

**Orde do 20 de outubro de 2015 pola que se establecen as normas de aplicación e a presentación e o pagamento electrónico da taxa fiscal sobre o xogo de apostas deportivas e de competición e se modifican determinadas normas tributarias.** <sup>1</sup>

Na Comunidade Autónoma de Galicia, o xogo das apostas é un dos xogos regulados pola Lei 14/1985, do 23 de outubro, reguladora dos xogos e apostas en Galicia, aprobada polo Parlamento de Galicia en virtude das competencias establecidas no artigo 27.27 do Estatuto de autonomía de Galicia, aprobado pola Lei Orgánica 1/1981, do 6 de abril, de Estatuto de Autonomía para Galicia, e está incluído no Catálogo de xogos da Comunidade Autónoma de Galicia aprobado por Decreto 116/1986, do 4 de xuño, polo que se aproba o Catálogo de xogos da Comunidade Autónoma de Galicia. No exercicio da potestade regulamentaria prevista no artigo 22 c) da Lei 14/1985, do 23 de outubro, a Xunta, por Decreto 162/2012, do 7 de xuño, polo que se aproba o Regulamento de apostas da Comunidade Autónoma de Galicia, aprobou o Regulamento de apostas da Comunidade Autónoma de Galicia. As autorizacións de comercialización e explotación deste xogo comezaron expedirse no ano 2013.

O xogo das apostas ven gravado pola taxa fiscal sobre rifas, tómbolas, apostas e combinacións aleatorias, cuxa regulación ven recollida no Decreto 3059/1966, do 1 de decembro, polo que se aproba o texto refundido de taxas fiscais.

Polo que respecta á taxa fiscal cómpre sinalar que é un tributo estatal, cuxo rendemento está cedido ás Comunidades Autónomas dende a Lei 30/1983, do 28 de decembro, de cesión de tributos do Estado ás Comunidades Autónomas. Actualmente a norma que rexe a cesión dos tributos estatais ás Comunidades Autónomas é a Lei 22/2009, do 18 de decembro, pola que se regula o sistema de financiamento das Comunidades Autónomas de réxime común e Cidades con Estatuto de Autonomía e se

---

<sup>1</sup> Anexo IV modificado por Resolución do 27 de abril de 2016, pola que se modifica o anexo IV da orde da Consellería de Facenda do 230 de outubro de 2015, pola que se establecen as normas de aplicación e presentación e o pagamento electrónico da taxa fiscal sobre o xogo de apostas deportivas e de competición e se modifican determinadas normas tributarias. (DOG nº 89, do 11 de maio de 2016)

modifican determinadas normas tributarias. En virtude das competencias normativas recoñecidas nesta lei, a Comunidade Autónoma de Galicia aprobou o texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto Legislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado, modificado posteriormente pola Lei 12/2011, do 26 de decembro, de medidas fiscais e administrativas, Lei 8/2012, do 29 de xuño, de vivenda de Galicia, Lei 2/2013, do 27 de febreiro, de orzamentos xerais da Comunidade Autónoma de Galicia para o ano 2013, Lei 9/2013, do 19 de decembro, de emprendemento e da competitividade económica de Galicia, Lei 11/2013, do 26 de decembro, de orzamentos xerais da Comunidade Autónoma de Galicia para o ano 2014, Lei 12/2014, do 22 de decembro, de medidas fiscais e administrativas e Lei 4/2015, do 17 de xuño, de mellora da estrutura territorial agraria de Galicia. Así, en relación á taxa fiscal sobre o xogo de apostas deportivas e de competición, as normas legais aplicables na Comunidade Autónoma de Galicia veñen recollidas no Decreto 3059/1966, do 1 de decembro, (respecto ao feito imponible e aos obrigados tributarios) e no texto refundido das disposicións legais da Comunidade Autónoma de Galicia en materia de tributos cedidos polo Estado, aprobado polo Decreto Legislativo 1/2011, do 28 de xullo, no que se regulan o resto dos elementos esenciais do tributo e máis os aspectos de liquidación e pagamento da taxa fiscal sobre rifas, tómbolas, apostas e combinacións aleatorias.

O artigo 30 do texto refundido das disposicións legais da Comunidade Autónoma de Galicia en materia de tributos cedidos polo Estado dispón que a consellaría competente en materia de facenda aprobará, de ser o caso, os modelos mediante os que os suxeitos pasivos deberán declarar, autoliquidar e ingresar o importe correspondente na forma, no lugar e nos prazos que determine regulamentariamente. Sinala tamén o dito precepto que a consellaría competente en materia de facenda poderá dispoñer que as declaracións e/ou autoliquidacións do tributo se efectúen mediante os programas informáticos de axuda que, se é o caso, se aproben. Así mesmo, poderá dispoñer a obrigatoriedade da súa presentación e o pagamento mediante medios telemáticos. Pola súa parte, o artigo 39 do texto refundido das disposicións legais da Comunidade Autónoma de Galicia en materia de tributos cedidos polo Estado establece as obrigas de

subministro de información ás que quedan suxeitos os operadores dos xogos co obxecto de salvagardar a integridade e exactitude da base impositiva na súa determinación.

No ámbito tributario, a Lei 58/2003, do 17 de decembro, xeral tributaria, desenvolve no seu artigo 34 a obriga da Administración de informar e asistir aos obrigados tributarios sobre o exercicio dos seus dereitos e o cumprimento das súas obrigas, sinalando que as actuacións da administración tributaria que requiran a súa intervención deberán levarse a cabo da forma que resulte menos gravosa para estes, sempre que iso non prexudique o cumprimento das súas obrigas tributarias. O título III da Lei 58/2003, do 17 de decembro, recolle as normas xerais de aplicación dos tributos e, en concreto, no seu capítulo I consagra os principios xerais informadores da aplicación dos tributos, no capítulo II establécense as normas comúns aplicables ás actuacións e procedementos tributarios e os capítulos III, IV e V configuran os procedementos de xestión, de inspección e de recadación respectivamente. Dentro do primeiro capítulo, no seu artigo 96, compele á administración tributaria a promover a utilización das técnicas e medios electrónicos, informáticos e telemáticos necesarios para o desenvolvemento da súa actividade e o exercicio das súas competencias. Así mesmo, cando sexa compatible cos medios técnicos de que dispoña a administración tributaria, os cidadáns poderán relacionarse con ela para exercer os seus dereitos e cumprir coas súas obrigas mediante técnicas e medios electrónicos, informáticos e telemáticos coas garantías e requisitos previstos en cada procedemento. Do mesmo xeito, fíxanse os principais supostos nos que cabe a utilización destes medios, cunha ampla habilitación regulamentaria. No capítulo II, a lei recolle exclusivamente as especialidades aplicables nos procedementos tributarios respecto das normas administrativas xerais. No capítulo III, contén unha regulación sistemática e suficiente da xestión tributaria e dos seus procedementos, aínda que dun xeito flexible coa fin de facilitar a adaptación dos procedementos tributarios aos avances que se vaian producindo sen que a lei constitúa un impedimento. Neste capítulo regúlanse as declaracións, as autoliquidacións e as comunicacións de datos, instrumentos mediante os que poden iniciarse as actuacións de xestión tributaria e contense unha relación non exhaustiva dos procedementos de xestión tributaria, facultando ao regulamento para que estableza outros procedementos que estime convenientes aos que se aplicarán en todo caso as normas establecidas no

capítulo II do título III da lei.

O Real Decreto 1065/2007, do 27 de xullo, polo que se aproba o Regulamento Xeral das actuacións e os procedementos de xestión e inspección tributaria e de desenvolvemento das normas comúns dos procedementos de aplicación dos tributos, contén as normas regulamentarias aplicables en materia de censos da administración tributaria, en materia de cumprimento de obrigas tributarias, incluídas as formais, en materia de principios, disposicións xerais e procedementos de aplicación dos tributos. En concreto, no seu título III contén as normas regulamentarias concernentes aos principios e disposicións xerais da aplicación dos tributos, e, destacadamente ao emprego de medios electrónicos, informáticos e telemáticos das actuacións e procedementos tributarios, e no seu Título IV contén, entre outras, as normas regulamentarias aplicables na presentación de declaracións, autoliquidacións, comunicacións de datos e nas actuacións e procedementos de comprobación de obrigas tributarias principais, accesorias e formais. É destacable que no Regulamento se faculta á persoa titular do ministerio competente en materia de facenda e aos órganos equivalentes das Comunidades Autónomas, que no noso caso é a persoa titular da consellería competente en materia de facenda, para que mediante orde, aprobe modelos e sistemas normalizados de autoliquidacións, declaracións, comunicacións, solicitudes ou calquera outro medio previsto na normativa tributaria, os requisitos e condicións para a súa presentación, determine os supostos e condicións nos que os obrigados tributarios deberán presentar por medios electrónicos as súas declaracións, autoliquidacións, comunicacións, solicitudes e calquera outro documento con trascendencia tributaria e, dite as correspondentes normas de desenvolvemento aplicables ás actuacións e procedementos tributarios que se realicen por medios electrónicos, informáticos ou telemáticos e ás relacionadas cos medios de autenticación utilizados pola Administración tributaria. Do mesmo xeito, poderá aprobar a utilización de modalidades simplificadas ou especiais de declaración, autoliquidación ou comunicación de datos e os supostos nos que os datos consignados se entenderán subsistentes para períodos sucesivos, se o contribuínte non comunica variación neles.

O artigo 103 da Constitución española sinala a eficacia como un dos principios

que deben rexer o actuar das administracións públicas. Pola súa parte, a Lei 30/1992, do 26 de novembro, de réxime xurídico das administracións públicas e do procedemento administrativo común, alude no seu artigo 3, xunto aos principios constitucionais, aos de eficiencia e servizo aos cidadáns, recoñecendo no artigo 35 o dereito dos cidadáns a que se lles facilite o exercicio dos seus dereitos e o cumprimento das súas obrigas. Para o logro destes obxectivos, a Lei 30/1992, do 26 de novembro, destaca, no seu artigo 45, como instrumento idóneo, a utilización por parte das administracións de técnicas electrónicas, informáticas e telemáticas no desenvolvemento da súa actividade e no exercicio das súas competencias, polo que insta a estas a que impulsen e apliquen as devanditas técnicas. Finalmente, a Lei 11/2007, do 22 de xuño, de acceso electrónico dos cidadáns aos servizos públicos, consagra a relación coas administracións públicas por medios electrónicos como un dereito dos cidadáns e como unha obriga correlativa das administracións. Deste xeito, a lei 11/2007, do 22 de xuño, recoñece o dereito dos cidadáns a relacionarse coas Administracións Públicas por medios electrónicos e regula os aspectos básicos da utilización das tecnoloxías da información na actividade administrativa, nas relacións entre as Administracións Públicas, así como nas relacións dos cidadáns con elas coa finalidade de garantir os seus dereitos, un tratamento común ante elas e a validez e eficacia da actividade administrativa en condicións de seguridade xurídica. Á súa vez, dispón que as administracións públicas empreguen as tecnoloxías da información consonte coa lei, asegurando a dispoñibilidade, o acceso, a integridade, a autenticidade, a confidencialidade e a conservación dos datos, informacións e servizos que xestionen no exercicio das súas competencias.

As novas tecnoloxías aplicadas aos procedementos xestores de tributos son un instrumento idóneo para conxugar os principios de eficacia da administración tributaria e a limitación dos custos indirectos ao contribuínte, e, nesta liña, a presentación electrónica de tributos ofrécelles a posibilidade de evitar desprazamentos ás oficinas xestoras ou ás entidades bancarias para a realización do pagamento, así como a presentación dos tributos fóra do horario normal de atención ao público. Ao mesmo tempo, a utilización dos programas que a administración tributaria implementa para a presentación electrónica dos tributos facilita cubrir os modelos, guiando ao contribuínte na introdución dos datos, evitando a reiteración destes e ofrecéndolle unha axuda en liña.

Baixo esta óptica, a consellería competente en materia de facenda ven prestando unha especial atención ás posibilidades que ofrecen as novas tecnoloxías para facilitar aos cidadáns o cumprimento voluntario das obrigas tributarias dende o ano 2003. A experiencia xestora no tratamento dos modelos presentados en papel e os presentados de forma electrónica poñen tamén de manifesto as vantaxes desta forma de pagamento e presentación fronte á outra. Cando as actividades dos suxeitos pasivos son ademais desenvolvidas por medios electrónicos como é o caso das apostas, consonte co disposto no Regulamento de apostas da Comunidade Autónoma de Galicia, semella obrigatorio que o cumprimento das obrigas tributarias sexa posible de xeito electrónico. Por todo isto, e en uso da facultade xenérica de establecer a obrigatoriedade de comunicarse coas administracións públicas empregando exclusivamente medios electrónicos, cando os interesados teñan garantido o acceso e dispoñibilidade dos medios tecnolóxicos precisos, consonte co disposto no artigo 27.6 da lei 11/2007, do 22 de xuño, establécese, con carácter xeral, a obriga de cumprimentar as obrigas tributarias principais e accesorias contidas na normativa deste tributo de xeito electrónico.

Mediante esta orde, apróbanse os modelos en formato electrónico de declaracións e de autoliquidacións da taxa fiscal sobre o xogo de apostas deportivas e de competición, dítanse as normas de aplicación do tributo consonte cos principios e disposicións xerais regulamentarias contidas na normativa xeral tributaria e, por razóns de economía procedemental, modifícanse a Orde do 21 de xuño de 2006, pola que se regulan procedementos de xestión recadatoria e a actuación das entidades colaboradoras, a Orde do 29 de xaneiro de 2015, pola que se aproban as normas de aplicación do imposto sobre a contaminación atmosférica e a Orde do 25 de marzo de 2011, pola que se aproban as normas de aplicación do imposto sobre o dano medioambiental causado por determinados usos e aproveitamentos da auga encorada.

Así en virtude do exposto e de acordo coa competencia establecida nos artigos 30 e 39 do Texto Refundido das disposicións legais da Comunidade Autónoma de Galicia en materia de tributos cedidos polo Estado, aprobado por Decreto Lexislativo 1/2011, do 28 de xullo, e de acordo co Consello Consultivo de Galicia

## **ACORDO:**

### **CAPÍTULO I**

#### **Disposicións xerais**

##### *Artigo 1. Obxecto e ámbito de aplicación*

A presente orde ten por obxecto establecer o réxime xurídico aplicable ao cumprimento das obrigas tributarias concernentes á taxa fiscal que grava a autorización, celebración ou organización de apostas deportivas e de competición cuxo rendemento corresponda á Comunidade Autónoma de Galicia e aplicarase a tódolos obrigados tributarios da taxa fiscal citada nas súas relacións coa Axencia Tributaria de Galicia (ATRIGA).

##### *Artigo 2. Obriga de declaración, presentación e pagamento electrónicos*

Os suxeitos pasivos deberán cumprir as obrigas tributarias concernentes á taxa que grava a autorización, celebración ou organización de apostas deportivas e de competición, ás que se refire esta orde, por medios electrónicos, sen prexuízo do disposto na disposición adicional primeira. Para isto, deberán empregar as aplicacións informáticas que a Atriga poña á súa disposición na Oficina Virtual Tributaria (OVT), nas condicións e consonte cos procedementos previstos nesta orde.

##### *Artigo 3. Usuarios autorizados*

1. Para os efectos do disposto no artigo anterior, as aplicacións informáticas relacionadas con este tributo poderán ser empregadas polos usuarios que se relacionan a seguir, sempre que sexan previamente autorizados pola dirección da Atriga:

- a) Os suxeitos pasivos que dispoñan do correspondente certificado de usuario outorgado pola Fábrica Nacional de Moeda e Timbre-Real Casa da Moeda (FNMT-RCM) para a presentación e pagamento dos seus propios tributos, ou doutras autoridades certificadoras admitidas pola consellería competente en materia de facenda e que previamente fosen autorizados pola dirección da ATRIGA para a presentación e pagamento electrónico destes ingresos.
- b) As persoas profesionais colexiadas, así como as entidades, as institucións ou organizacións representativas de sectores ou intereses sociais, laborais,

empresariais ou profesionais, que subscribisen coa administración tributaria da Comunidade Autónoma de Galicia o correspondente convenio de colaboración, nos termos acordados neste.

2. Os usuarios anteriores, para poder empregar as aplicacións informáticas sinaladas, deberán estar previamente autorizados. Para estes efectos, deberán presentar ante a dirección da Atriga, unha solicitude de autorización xunto cunha ficha de usuario, axustadas aos modelos que contén o Anexo I, con anterioridade ao primeiro prazo no que deban cumprir as obrigas tributarias referidas a este tributo. Outorgarase a autorización a todos aqueles que reúnan as condicións establecidas no número anterior.

#### *Artigo 4. Aprobación de modelos en formato electrónico*

Apróbanse os modelos en formato electrónico que figuran nos Anexos II e III e que se relacionan a seguir, para os efectos da aplicación da taxa fiscal que grava as apostas deportivas e de competición:

Modelo D-041.- Modelo de declaración informativa de apostas deportivas e de competición.

Modelo 041.- Modelo de autoliquidación da taxa fiscal sobre o xogo de apostas deportivas e de competición.

## CAPÍTULO II

### **Obrigas tributarias**

#### *Sección 1ª. Declaración informativa de apostas deportivas e de competición*

*Artigo 5. Prazos para a presentación electrónica e contido da declaración informativa de apostas deportivas e de competición*

1. Nos vinte primeiros días naturais de cada trimestre natural, os suxeitos pasivos deberán presentar electronicamente ante a Atriga unha declaración, na que comunicarán os datos seguintes:
  - a) os datos correspondentes ás apostas deportivas e de competición validamente formalizadas e os datos correspondentes aos premios pagados no trimestre natural



inmediato anterior

- b) os datos acumulados correspondentes ás apostas deportivas e de competición validamente formalizadas e os datos acumulados correspondentes aos premios pagados, dende a data de devindicación do exercicio ao que se refire a declaración ata a fin do trimestre natural inmediato anterior,
- c) unha relación individualizada dos premios superiores a 2.500 € pagados no trimestre natural inmediato anterior.

Para isto empregarán o modelo D-041 que conformarán coa aplicación informática que a Atriga poña á súa disposición na OVT, consonte coas instrucións recollidas a este respecto no modelo D-041 e seguindo o procedemento establecido no artigo seguinte.

- 2. O prazo anterior entenderase prorrogado ata o primeiro día hábil seguinte, no suposto de que o último día do período fose día inhábil ou sábado.

*Artigo 6. Procedemento para a confección electrónica da declaración informativa de apostas deportivas e de competición*

- 1. Para cumprir as obrigas de presentación das declaracións ás que se refire o artigo anterior, os suxeitos pasivos incorporarán, na OVT, os datos procedentes dun arquivo que terá as especificacións técnicas que se detallan no anexo IV, consonte co sinalado no número seguinte.
- 2. Para realizar a carga dos datos procedentes do arquivo ao que se refire o número anterior, os suxeitos pasivos deberán empregar a aplicación Subida de Arquivos que se lles habilitará na OVT. Unha vez transmitido o arquivo, aparecerá unha mensaxe informativa do resultado da carga. O arquivo poderá ser enviado as veces que sexan necesarias, prevalecendo sempre os datos contidos no último arquivo remitido.
- 3. Unha vez incorporados os datos tras a transmisión do arquivo, mostrarase o modelo D-041 debidamente cuberto, debendo ser confirmado polo suxeito pasivo, momento no que se lle asignará un número identificativo do modelo.
- 4. Unha vez confirmado o modelo D-041, o suxeito pasivo deberá proceder á presentación electrónica del, de xeito que transmitirá os datos da declaración coa sinatura electrónica, xerada ao seleccionar o certificado dixital recoñecido. Se o

presentador é unha persoa ou entidade autorizada para presentar declaracións en representación de terceiras persoas, requirirase unha única sinatura, a correspondente ao seu certificado. A presentación do modelo D-041 producirase de xeito simultáneo á presentación da autoliquidación á que se refire o artigo 10 e consonte co disposto nel.

5. A aplicación informática obterá unha pegada dixital dos datos declarados correspondentes á relación de premios mediante a aplicación do algoritmo SHA-1 ou semellante dunha función resumo ("Hash"). Esta pegada, que supón a representación compacta dos datos declarados, incluírase no modelo D-041 e permitirá validar en calquera momento a información garantindo que esta se corresponde cos datos orixinalmente presentados. No modelo D-041 reflectirase un resumo do número de premios xunto coa súa pegada dixital de 40 caracteres hexadecimais, de forma que, para o caso dos premios, conterase a identificación do primeiro e do último recibo con premio superior a 2.500 € declarados que correspondera segundo a orde determinada polo número do recibo.
6. A relación completa de premios cos seus datos declarados poderá obterse a través da OVT unha vez presentada a declaración, mediante a identificación do número da declaración informativa á que correspondera, podendo descargar o contido en texto plano coa incorporación da pegada dixital.

#### *Sección 2ª. Autoliquidación da taxa fiscal sobre o xogo de apostas deportivas e de competición*

#### *Artigo 7. Prazos de pagamento e presentación das autoliquidacións da taxa fiscal sobre o xogo de apostas deportivas e de competición*

1. Os suxeitos pasivos estarán obrigados a efectuar electronicamente ante a Atriga, nos vinte primeiros días naturais de abril, xullo e outubro, unha vez transmitidos os datos da declaración D-041, sendos pagamentos a conta da débeda tributaria definitiva, autoliquidando e determinando o seu importe, mediante o modelo 041, que conformarán coa aplicación informática que a Atriga poña á súa disposición na OVT, consonte coas instrucións recollidas a este respecto no propio modelo e seguindo o procedemento establecido nos artigos seguintes.

2. Os suxeitos pasivos estarán obrigados a presentar electronicamente ante a Atriga, nos vinte primeiros días naturais do mes de xaneiro, unha vez transmitidos os datos da declaración D-041, unha declaración, na que practicarán a autoliquidación da taxa fiscal sobre o xogo de apostas deportivas e de competición e determinarán a débeda tributaria correspondente á actividade desenvolvida no ano natural inmediato anterior, aplicarán os pagamentos á conta que correspondan e ingresarán, se é o caso, o importe resultante, mediante o modelo 041, que conformarán coa aplicación informática que a Atriga poña á súa disposición na OVT, consonte coas instrucións recollidas a este respecto no propio modelo e seguindo o procedemento establecido nos artigos seguintes.
3. Os prazos establecidos nos números anteriores entenderanse prorrogados ata o primeiro día hábil seguinte, no suposto de que o último día do período fose día inhábil ou sábado.

*Artigo 8. <sup>2</sup> Procedemento electrónico para a confección das autoliquidacións correspondentes a apostas deportivas e de competición*

*1. Para cumprir as obrigas tributarias do artigo 7, os usuarios a que se refire o artigo 3 accederán á OVT, na aplicación denominada TAXA FISCAL SOBRE O XOGO DE APOSTAS DEPORTIVAS E DE COMPETICIÓN, e iniciarán a confección do modelo 041 correspondente á actividade de apostas declarada no modelo D-041 previamente cargado e confirmado referido ao mesmo período.*

*A aplicación informática mostraralle de forma diferenciada o resumo dos datos declarados consonte co deseño do modelo 041. O usuario deberá confirmar os datos. Se ten que modificalos, deberá facelo mediante a carga e a confirmación dun novo modelo D-041 cos datos rectificadas. Cando o usuario modifique os datos do modelo D-041, a aplicación presentaralle novamente o resumo dos datos consonte co último D-041*

---

<sup>2</sup> Modificado pola Orde do 22 de decembro de 2020 pola que se modifican as ordes de aplicación de impostos propios da Comunidade Autónoma de Galicia e das taxas fiscais sobre o xogo (DOG Núm. 6 do 12 de xaneiro de 2021)

cargado e confirmado.

2. Cando a autoliquidación corresponda a calquera dos tres primeiros períodos trimestrais do ano, unha vez confirmados os datos, a aplicación informática calculará o pagamento á conta da débeda tributaria definitiva, aplicando o tipo de gravame á base impoñible provisional acumulada correspondente ao ano en curso desde a data de devindicación ata o último día do período a que se refire a autoliquidación, descontando do resultado os pagamentos á conta, correspondentes ao período impositivo, que anteriormente se tivesen autoliquidado.

3. Cando a autoliquidación corresponda ao último trimestre do período impositivo, unha vez confirmados os datos, a aplicación informática calculará a débeda tributaria correspondente ao dito período impositivo, así como, de ser o caso, o importe a ingresar ou a devolver, aplicando o tipo de gravame á base impoñible acumulada correspondente ao ano a que se refire a autoliquidación e descontando da débeda tributaria resultante o importe dos pagamentos á conta correspondentes ao período impositivo, que anteriormente se tivesen autoliquidado.

4. Unha vez calculados os importes a que se refiren os números 2 e 3, o usuario deberá confirmalos, momento en que se lle asignará un número identificativo da operación. O usuario, para concluír o proceso de confección do modelo 041, deberá confirmar a operación.

5. Unha vez confirmada a operación, no mesmo prazo que para a súa presentación e previamente a esta e sempre que resulte unha cantidade positiva a ingresar, o usuario deberá seleccionar a/as forma/s de pagamento consonte as instrucións do modelo no anexo de datos de pagamento. No caso de que marque un importe a aprazar ou fraccionar, deberá presentar ante a Atriga solicitude expresa de aprazamento ou fraccionamento na forma, lugar e prazo e cos requisitos e consecuencias sinaladas na normativa de aplicación e sen que se poida entender presentada aquela coa presentación electrónica da autoliquidación. No caso de que recoñeza débeda por algún importe, transcorrido o prazo voluntario do seu pagamento sen facelo efectivo, exixirase pola vía de constrinximento, nas condicións establecidas na normativa tributaria. No caso de que teña que ingresar algún importe, procederá consonte o disposto no artigo 9.

*6. Unha vez cuberto o anexo de datos de pagamento e, de ser o caso, tras a operación de pagamento, nos mesmos prazos sinalados no artigo 7, deberá proceder á presentación electrónica do modelo 041, consonte o disposto no artigo 10.*

Artigo 9. <sup>3</sup> Procedemento electrónico para o pagamento da débeda tributaria

1. Unha vez confeccionado e confirmado o impreso 041 conforme o sinalado nos artigos anteriores, cando o usuario determinase unha cantidade positiva a ingresar no anexo de datos de pagamento, deberá realizar o seu pagamento de calquera das formas sinaladas no número 2.

2. Os usuarios poderán pagar a débeda ordenando a súa domiciliación consonte coa normativa vixente na materia e/ou de calquera das formas seguintes:

a) De forma presencial en calquera das entidades de crédito colaboradoras autorizadas, mediante a carta de pagamento que para estes efectos xerará a aplicación informática e que previamente deberá imprimir o usuario. A aplicación informática xerará dous exemplares da carta de pagamento debidamente cubertos cos datos que o usuario facilitase na aplicación informática. Con estes dous exemplares da carta de pagamento acudirase á entidade colaboradora para realizar o pagamento. Unha vez realizado o pagamento, a entidade colaboradora facilitará un número de referencia completo (NRC) identificativo do ingreso realizado, quedará co exemplar para a entidade colaboradora e devolverá ao usuario o exemplar para o interesado co selo da entidade, coa data do ingreso, co número e co importe, así como co NRC. O dito documento servirá de xustificante de pagamento do número da autoliquidación impreso nel. O NRC identificativo do ingreso realizado será requirido posteriormente pola aplicación informática para completar a presentación electrónica da autoliquidación.

b) De forma electrónica. O usuario accederá ás aplicacións específicas a través da OVT da Atriga e efectuará o pagamento da correspondente autoliquidación, a través das

---

<sup>3</sup> Modificado pola Orde do 22 de decembro de 2020 pola que se modifican as ordes de aplicación de impostos propios da Comunidade Autónoma de Galicia e das taxas fiscais sobre o xogo (DOG Núm. 6 do 12 de xaneiro de 2021)

entidades de crédito colaboradoras na recadación autorizadas para tal efecto ou mediante tarxeta de crédito ou débito a través de sistemas de terminal de punto de venda (TPV) virtual. A entidade efectuará as comprobacións oportunas e aceptará ou rexeitará a operación. No caso de ser aceptada, efectuará o aboamento na correspondente conta restrinxida de recadación de tributos e xerárase o correspondente NRC, para completar a presentación electrónica da autoliquidación. Unha vez realizado o pagamento, a aplicación informática xerará o recibo a que se refire o artigo 12.2.

3. O NRC a que se refire o número 2 é un código xerado informaticamente mediante un sistema criptográfico que permitirá asociar a autoliquidación presentada ao pagamento dela derivado. O NRC está composto por 22 posicións co seguinte contido: Posicións 01-13: alfanuméricas, corresponden ao número de xustificante asignado pola OVT. Posición 14: alfanumérica, corresponde a un carácter de control adicional. Posicións 15-22: caracteres de control. As normas técnicas de xeración do NRC figuran no anexo V.

4. A xeración do NRC pola entidade e a inclusión del nun recibo entregado ao obrigado tributario implicará:

- a) Que o recibo en que figura responde a un ingreso realizado na entidade que o expide.
- b) Que o devandito recibo corresponde á autoliquidación que se indica nel e non a outra.
- c) Que a partir do momento de xeración deste pola entidade de crédito, e sempre que o NRC non fose anulado consonte a normativa tributaria en materia de recadación, queda a entidade obrigada fronte á Facenda da Comunidade Autónoma de Galicia polo importe que figura no devandito recibo, e o obrigado tributario queda liberado da súa obriga de pagamento fronte á citada Facenda, salvo que se poida probar de forma fidedigna a inexactitude da data ou do importe que conste na validación do xustificante.

5. Unha vez xerado o correspondente NRC, salvo que fose anulado consonte a normativa tributaria en materia de recadación, non se admitirá a retrocesión do pagamento por parte da entidade, e o suxeito pasivo deberá presentar, de ser o caso, ante a Atriga, a correspondente solicitude de devolución de ingresos indebidos adecuadamente fundamentada. Pola súa banda, a entidade deberá realizar o pagamento na conta restrinxida de recadación con carácter previo á xeración do citado NRC.

#### Artigo 10. <sup>4</sup> Procedemento para a presentación electrónica das autoliquidacións

1. Unha vez calculada a débeda e, de ser o caso, realizado o seu pagamento, para concluír co proceso o usuario deberá presentar a autoliquidación electronicamente, de maneira que transmitirá os datos dela coa sinatura electrónica xerada ao seleccionar o certificado dixital recoñecido. Se o presentador é unha persoa ou entidade autorizada para presentar declaracións en representación de terceiras persoas, requirirase unicamente a sinatura correspondente ao seu certificado.

2. Se a presentación electrónica é aceptada, a aplicación devolveralle ao usuario en pantalla o modelo D-041 e o modelo 041 debidamente cubertos, co seu número de identificación, cos datos declarados, coa autoliquidación da débeda tributaria, cos datos correspondentes ao importe a ingresar ou a devolver e, de ser o caso, co ingreso realizado e coa data do ingreso e/ou coa débeda recoñecida, coa data da presentación e validados cun código seguro de verificación (CSV) formado por dezaseis caracteres. Estes modelos serviranlle de xustificante da presentación dos números da declaración e da autoliquidación impresos neles na data sinalada nos propios modelos e, de ser o caso, do seu pagamento ou da presentación da solicitude de devolución derivada da normativa do imposto.

No suposto de que a presentación fose rexeitada, mostrarase en pantalla a descrición dos erros detectados. Neste caso, o usuario deberaos emendar mediante a aplicación informática. Se o rexeitamento da presentación é orixinado por un motivo non emendable, o usuario deberá repetir a presentación.

---

<sup>4</sup> Modificado pola Orde do 22 de decembro de 2020 pola que se modifican as ordes de aplicación de impostos propios da Comunidade Autónoma de Galicia e das taxas fiscais sobre o xogo (DOG Núm. 6 do 12 de xaneiro de 2021)

*<sup>5</sup>Sección 3ª. Accesos á OVT e xustificantes do pagamento e da presentación de declaracións e autoliquidacións*

Artigo 11. <sup>6</sup> Accesos á OVT

1. Os usuarios poderán en calquera momento acceder á OVT, no seu horario de dispoñibilidade, para cumprir as obrigas tributarias a que se refire esta orde.

2. Para estes efectos, os usuarios deberán acceder na sección Usuarios autorizados á aplicación informática denominada TAXA FISCAL SOBRE O XOGO DE APOSTAS DEPORTIVAS E DE COMPETICIÓN. Unha vez nela poderán acceder ás diferentes declaracións. Para estes efectos, cada unha delas mostrará o estado de situación en que se encontra. Con ocasión de cada acceso, os usuarios poderán comezar unha operación ou, de ser o caso, retomar as operacións pendentes e continuas.

3. Os estados de situación poden ser:

a) Borrador: é o estado en que se encontra a declaración D-041 cando foi confeccionada e gardada sen ser presentada.

b) Pendente de pagamento e presentación: é o estado en que se encontra o modelo 041 a ingresar cando foi confirmado polo usuario mais non foi realizada ningunha das fases posteriores de pagamento nin de presentación.

c) Pendente de pagamento: é o estado en que aparece o modelo 041 a ingresar confirmado polo usuario, cando o importe a ingresar no anexo de datos de pagamento foi tramitado para o seu pagamento presencial segundo o establecido no artigo 9.2.a) mais o usuario non concluíu a transacción de pagamento.

d) Pendente de presentación: é o estado en que aparece o modelo 041 validado polo

---

<sup>5</sup> Modificado pola Orde do 22 de decembro de 2020 pola que se modifican as ordes de aplicación de impostos propios da Comunidade Autónoma de Galicia e das taxas fiscais sobre o xogo (DOG Núm. 6 do 12 de xaneiro de 2021)

<sup>6</sup> Modificado pola Orde do 22 de decembro de 2020 pola que se modifican as ordes de aplicación de impostos propios da Comunidade Autónoma de Galicia e das taxas fiscais sobre o xogo (DOG Núm. 6 do 12 de xaneiro de 2021)



usuario, cando aínda non foi presentado e, no caso de que sexa a ingresar, unha vez seleccionada/s a/as forma/s de pagamento da débeda tributaria no anexo de datos de pagamento e, de ser o caso, ingresada a cantidade positiva a ingresar que figurase no dito anexo, consonte co disposto no artigo 9.

e) Presentado: estado en que aparecen os modelos D-041 e 041 cando, unha vez confeccionados e validados e, de ser o caso, realizadas as operacións reguladas nos artigos 8 e 9, o usuario presentase electronicamente os modelos ante a Atriga

Artigo 12.<sup>7</sup> Xustificantes do pagamento e da presentación electrónica de autoliquidacións e declaracións

1. No caso de que o usuario opte polo pagamento de forma presencial nunha entidade colaboradora, o exemplar para o interesado da carta de pagamento que esta entregue nos termos previstos no artigo 9.2.a) servirá de xustificante do pagamento do número da autoliquidación impreso nel.

2.<sup>8</sup> Se as persoas usuarias optasen polo pagamento electrónico, a aplicación informática, unha vez realizado o pagamento, xerará o correspondente recibo, que as persoas obrigadas tributarias deberán conservar, no cal se identificarán, no caso de pagamento con tarxeta, a data do ingreso, o importe, o NIF e o nome do suxeito pasivo, así como o NRC. No caso de que o pagamento se realice con cargo en conta, no recibo identificarase, ademais, o número de conta que realiza o pagamento. O devandito documento servirá de xustificante de pagamento da autoliquidación asociada ao NRC impreso nel.

3. A presentación das declaracións que regula esta orde e a súa data acreditaranse mediante os documentos (modelos D-041 e 041) xerados pola aplicación informática en

---

<sup>7</sup> Modificado pola Orde do 22 de decembro de 2020 pola que se modifican as ordes de aplicación de impostos propios da Comunidade Autónoma de Galicia e das taxas fiscais sobre o xogo (DOG Núm. 6 do 12 de xaneiro de 2021)

<sup>8</sup> Modificado pola Orde do 16 de decembro de 2021 pola que se modifican diversas normas Tributarias (DOG Núm. 245 do 23 de decembro de 2021)

que constarán os datos identificativos do suxeito pasivo, da declaración, da liquidación e da cantidade que se debe ingresar ou devolver e, de ser o caso, do ingreso e/ou da débeda recoñecida, así como as datas do ingreso, de ser o caso, e da presentación. Ademais, xerarase un código interno que permitirá asociar de forma inequívoca as declaracións presentadas electronicamente coas xeradas pola aplicación informática e entregadas. O modelo 041 xerado pola aplicación xustificará, así mesmo e de ser o caso, o pagamento da cantidade positiva resultante del ou a presentación da solicitude de devolución derivada da normativa do tributo nos termos previstos no número 23 do artigo 10.

4. Os xustificantes de pagamento e presentación sinalados nos números anteriores producirán os efectos liberatorios para coa Facenda da Comunidade Autónoma sinalados no Regulamento xeral de recadación, aprobado polo Real decreto 939/2005, do 29 de xullo. No caso de que a autoliquidación non dea lugar a ingreso bastará a xustificación da presentación na forma sinalada no número 3. Os obrigados tributarios deberán conservar os xustificantes de pagamento e presentación.

5. Os xustificantes a que se refire o número 3 poderán ser verificados por calquera persoa de forma permanente e inmediata mediante a introdución do seu CSV no servizo de verificación de documentos da OVT da Atriga. Para estes efectos, poderanse establecer mecanismos de verificación automática do CSV a través de servizos web ou similares cos colectivos que se estableza.

#### *Sección 4ª. Libros rexistro a efectos tributarios*

##### *Artigo 13. Obriga da levanza de libros rexistro*

1. Os suxeitos pasivos están obrigados a levar os libros rexistro regulados nesta sección. Serán de aplicación as normas establecidas nas disposicións xerais en materia tributaria.
2. Os suxeitos pasivos deberán levar os libros rexistro electronicamente. O contido de ditos libros rexistro conformarase coa información do sistema informático que xestione o xogo de apostas, sistema que deberá adaptarse ao disposto no Anexo VI.

O sistema de información de apostas deberá garantir e certificar de xeito electrónico a data, hora, minuto e segundo de cada operación de formalización da aposta e máis

a data, hora, minuto e segundo de cada operación de pagamento, así como a súa veracidade.

3. A administración tributaria poderá acceder á información dos libros rexistro en calquera momento, mediante acceso seguro e compatible cos seus sistemas informáticos, visualizando a información en pantalla mediante vistas que deberán axustarse ao disposto nos seguintes artigos. Igualmente, a administración poderá descargar a información que requira en formato .csv, .txt, .xls, .pdf ou en calquera outro formato que permita a tecnoloxía en cada momento.
4. En todo momento poderase xerar a información dos libros rexistro mediante vistas por día ou por un período conformado de data a data. A información deberá poderse obter tanto ao mínimo nivel de detalle configurado por cada boleto, como de xeito agregado por diferentes criterios, xa sexan criterios xeográficos, por locais, por máquina, por tipoloxía de aposta ou calquera outro criterio admisible.
5. Os libros ou rexistros, que, en cumprimento da normativa en materia de xogo, deban levar os suxeitos pasivos, poderán ser empregados a efectos deste tributo, sempre que se axusten aos requisitos que se establecen nesta orde.

#### *Artigo 14. Libro rexistro da actividade de apostas deportivas e de competición*

1. O libro rexistro da actividade de apostas deportivas e de competición conterá a información correspondente ás apostas validamente formalizadas sobre feitos ou circunstancias que formen parte ou se desenvolvan no marco de eventos ou competicións deportivas. O libro rexistro estruturarase en seccións e vistas.
2. No libro rexistraranse tódolos datos necesarios para unha correcta e única identificación das apostas.
3. O libro comporase de tres seccións: a sección de apostas validamente formalizadas, a sección de apostas anuladas e a sección de apostas con premio pagadas.
4. O libro deberá conter como mínimo a información seguinte:
  - a) Sección de apostas validamente formalizadas: número identificativo do boleto, identificación individual da aposta admitida, tipoloxía de aposta, data na que se formalizou a aposta, cantidade apostada e a identificación do evento.

- b) Sección de apostas anuladas: número identificativo do boleto, identificación individual da aposta admitida, tipoloxía de aposta, data na que se formalizou a aposta, cantidade apostada, identificación do evento, data da impugnación da aposta, de ser o caso, data na que foi anulada a aposta, motivo da anulación, cantidade devolta, data da devolución e identificación do apostante.
  - c) Sección de apostas con premio pagadas: número identificativo do boleto, identificación individual da aposta admitida, tipoloxía de aposta, data na que se formalizou a aposta, cantidade apostada, identificación do evento, data de resolución do evento, cantidade premio pagada, data do pagamento, e identificación do apostante e da forma de cobramento.
5. En todo momento o sistema informático deberá permitir xerar a información correspondente a cada sección mediante vistas por día ou por un período conformado de data a data. Igualmente poderase xerar a información de cada día ou por períodos de data a data, correspondente á información das tres seccións de modo conxunto. O sistema deberá mostrar un resumo por tipoloxía de aposta, dos seguintes datos correspondentes ao período ao que se refira a vista:
- a) Sección de apostas validamente formalizadas: número de apostas validamente formalizadas e suma das cantidades apostadas.
  - b) Sección de apostas anuladas: número de apostas anuladas e suma das cantidades devoltas.
  - c) Sección de apostas con premio pagadas: número de premios pagados e suma das cantidades pagadas aos premiados.
6. O sistema informático permitirá xerar a información resumo sinalada no número anterior polo período obxecto das declaracións informativas D-041 que ten que presentar o suxeito pasivo en cada caso, de xeito que, unha vez finalizado cada trimestre natural, poderase obter unha vista na que mostrárase o resumo dos datos correspondentes ao trimestre e outra coa información acumulada dende a data de devindicación ata a fin do trimestre correspondente.

A vista reflectirá os datos correspondentes ás apostas validamente formalizadas, as apostas anuladas e os premios pagados durante o período correspondente. Os datos

resumiranse clasificados por tipoloxía de aposta, segundo sexa mutua, cruzada ou de contrapartida, coa información correspondente ao número total de apostas validadas e as cantidades apostadas, o número total de apostas anuladas e as cantidades devoltas, número de premios outorgados e a cantidade asociada e o número total de premios pagados e a cantidade pagada en premios. Esta información así como a información de respaldo deberá conservarse en soporte informático polo suxeito pasivo consonte co disposto na lei xeral tributaria.

#### Artigo 15. *Libro rexistro de premios*

1. O libro rexistro de premios conterá a información dos premios correspondente ás apostas validamente formalizadas sobre feitos ou circunstancias que formen parte ou se desenvolvan no marco de eventos ou competicións deportivas.
2. No Libro de Premios consignarase a identidade, nome, apelidos e número de identificación fiscal, pasaporte ou número de identidade que correspondera en cada caso, daqueles xogadores que obtiveran premios superiores a 2.500 €, a contía exacta do premio obtido, a data da súa obtención e do seu pagamento, a cantidade apostada, a identificación do boleto xustificativo da aposta validamente formalizada, a data da validación da aposta e a sinatura ou aceptación do pagamento do xogador. No caso de que o sistema non incorporara a recollida da sinatura da persoa que obtivera o premio, deberase conservar un xustificante asinado pola dita persoa do pagamento do premio e máis o boleto premiado.

Polo que respecta aos premios que se tiveran pagado e que non superen a contía sinalada con anterioridade, consignarase a identificación de cada un dos boletos premiados, a contía exacta do premio obtido, a data da súa obtención e do seu pagamento, a cantidade apostada, a data da validación da aposta e mostrarase un resumo co número total de boletos premiados e máis o importe total dos premios. Deberase conservar a información certificada da operación de pagamento e, no seu defecto, cada un dos boletos premiados, para facer proba da realidade dos pagamentos dos premios efectuados.

No caso de que calquera premio fora obxecto de impugnación ou reclamación farase constar esta circunstancia e se o premio fora ou non pagado e, de ser o caso, por que

importe.

3. En todo momento o sistema informático deberá permitir xerar a información correspondente por día ou por un período conformado de data a data.

No caso de que sobre os premios acaeceran incidencias ou se presentaran reclamacións, incorporárase a información na vista correspondente en un apartado diferenciado, deixando constancia visible no premio controvertido da existencia da incidencia.

O sistema deberá mostrar un resumo, no que se detalle por cada tipoloxía de aposta, segundo sexa mutua, cruzada ou de contrapartida, o número de premios non superiores a 2.500 € pagados e o importe asociado, o número de premios superiores a 2.500 € pagados e o importe asociado e o número total de premios pagados e o importe asociado.

4. O sistema informático, unha vez finalizado cada trimestre natural, permitirá xerar unha vista da información por cada período de autoliquidación, na que se reflectirá a información correspondente aos premios pagados á que se refire o número 2 anterior no período ao que se refire a autoliquidación.

No caso de que sobre os premios acaeceran incidencias ou se presentaran reclamacións, incorporárase a información na vista correspondente en un apartado diferenciado, deixando constancia visible no premio controvertido da existencia da incidencia.

O sistema deberá mostrar un resumo, no que se detalle por cada tipoloxía de aposta, segundo sexa mutua, cruzada ou de contrapartida, o número de premios non superiores a 2.500 € pagados e o importe asociado, o número de premios superiores a 2.500 € pagados e o importe asociado e o número total de premios pagados e o importe asociado.

Esta información así como a información de respaldo deberá conservarse en soporte informático polo suxeito pasivo consonte co disposto na lei xeral tributaria.

Disposición adicional primeira. *Excepcionalidade ao cumprimento das obrigas tributarias*

*de xeito electrónico*

De xeito excepcional e cando circunstancias extraordinarias así o aconsellen, previa petición do interesado debidamente xustificada, a dirección da Axencia Tributaria de Galicia, valoradas as razóns aducidas polo interesado e a documentación e as probas achegadas por el para xustificar a súa demanda, poderá excepcionar a aquel da obrigatoriedade de empregar os medios electrónicos para o cumprimento das obrigas tributarias reguladas nesta orde. A resolución fixará o alcance temporal da excepcionalidade e a forma e as condicións nas que deberá facer efectivas as obrigas tributarias, sen prexuízo das consecuencias que derivasen de acordo coa normativa tributaria no caso de incumprimentos das normas.

Disposición adicional segunda. *Adhesión e autorización de entidades colaboradoras*

1. As entidades de depósito, xa autorizadas como colaboradoras na recadación dos tributos xestionados pola Comunidade Autónoma, quedan adheridas ás obrigas derivadas da colaboración na recadación dos ingresos derivados do modelo 041 que se fagan efectivos nelas.

2. As entidades que estiveran autorizadas para o pagamento electrónico doutros tributos xestionados pola consellería competente en materia de facenda quedarán adheridas ao pagamento electrónico da taxa fiscal sobre o xogo de apostas deportivas e de competición sen necesidade de solicitalo á dirección da Axencia Tributaria de Galicia.

Disposición adicional terceira. <sup>9</sup> *Obrigas de conservación de soportes informáticos das entidades de crédito en que se realice o pagamento deste tributo*

No suposto de pagamento electrónico das autoliquidacións referidas ao tributo sobre o xogo de apostas deportivas e de competición, a entidade de crédito conservará durante

---

<sup>9</sup> Modificado pola Orde do 22 de decembro de 2020 pola que se modifican as ordes de aplicación de impostos propios da Comunidade Autónoma de Galicia e das taxas fiscais sobre o xogo (DOG Núm. 6 do 12 de xaneiro de 2021)

un período de cinco anos os soportes informáticos que motivaron o devandito NRC.

Disposición adicional cuarta. *Confidencialidade e representación*

1. As persoas profesionais colexiadas, así como as entidades, as institucións ou organizacións representativas de sectores ou intereses sociais, laborais, empresariais ou profesionais, no exercicio das súas funcións e nas actuacións previstas nos convenios correspondentes respectarán as normas establecidas na lei 58/2003, do 17 de decembro, xeral tributaria e na lei orgánica 15/1999, do 13 de decembro, de protección de datos de carácter persoal.

2. As persoas profesionais colexiadas, así como as entidades, as institucións ou organizacións representativas de sectores ou intereses sociais, laborais, empresariais ou profesionais aos que o suxeito pasivo solicitase a colaboración para a presentación electrónica deste tributo, deberán posuír a representación nos termos establecidos no artigo 46 da Lei 58/2003, do 17 de decembro, xeral tributaria. A Administración poderá requirir destes, en calquera momento, a acreditación da devandita representación.

3. A falta de representación abonda das persoas no nome da cal se presentase a documentación dará lugar á exixencia das responsabilidades que fosen procedentes.

Disposición adicional quinta. *Presentación e pagamento en prazo*

A falta de resposta do ordenador da entidade de depósito autorizada, colaboradora na xestión recadatoria, elixida polo interesado para realizar o pagamento electrónico das autoliquidacións recollidas nesta orde, así como a falta de conformidade da devandita entidade a materializar a operación polos motivos que, con ocasión do intento de efectuar o devandito pagamento poña en coñecemento do citado interesado, non escusarán a este do pagamento e presentación da autoliquidación dentro dos prazos establecidos na normativa correspondente a este tributo.

Disposición adicional sexta. *Modificación dos anexos desta orde*

No ámbito das súas competencias, habilítase á persoa titular da dirección da ATRIGA a modificar ou actualizar mediante resolución publicada no Diario Oficial de Galicia os anexos a esta orde, cando fose preciso como consecuencia da modificación das normas



legais ou regulamentarias ou como consecuencia dos avances tecnolóxicos, os cambios de sistemas ou calquera outra circunstancia que precisase a correspondente plasmación nos modelos aprobados ou nas normas ou especificacións técnicas aprobadas polos ditos anexos.

Disposición adicional sétima. *Cumprimento das obrigas tributarias reguladas nesta orde dos feitos impoñibles devindicados nos anos 2013, 2014 e 2015*

1. Os suxeitos pasivos cumprirán as obrigas tributarias reguladas nas seccións 1ª e 2ª do capítulo II correspondentes á actividade de apostas validamente formalizadas no ano 2013, nos vinte primeiros días naturais de novembro de 2015, procedendo do xeito que se indica no número 4.

2. Os suxeitos pasivos cumprirán as obrigas tributarias reguladas nas seccións 1ª e 2ª do capítulo II correspondentes á actividade de apostas validamente formalizadas no ano 2014, nos vinte primeiros días naturais de decembro de 2015, procedendo do xeito que se indica no número 4.

3. Os suxeitos pasivos cumprirán as obrigas tributarias reguladas nas seccións 1ª e 2ª do capítulo II correspondentes á actividade de apostas validamente formalizadas no ano 2015, nos vinte primeiros días naturais de setembro de 2016, procedendo do xeito que se indica no número 4.

4. Para os efectos do disposto nos números anteriores, os suxeitos pasivos conformarán os modelos D-041 e 041 correspondentes a cada ano, seguindo as instrucións establecidas nos Anexos II e III coas especialidades que se sinalan a continuación e consonte cos procedementos regulados nos artigos 6, 8, 9 e 10 desta orde:

a) No bloque denominado “PERÍODO E CARÁCTER” consignarán no exercicio, o ano ao que correspondera a autoliquidación e, no período, consignarase 4.

b) No bloque denominado “INFORMACIÓN APOSTAS” da declaración informativa de apostas deportivas e de competición (modelo D-041), deixarán en branco a información correspondente ao período, consignando unicamente a información acumulada do ano natural.

c) No Anexo da declaración informativa de apostas deportivas e de competición (modelo D-041), consignarán os datos identificativos de cada un dos premios superiores a 2.500 € que se tiveran efectivamente abonado cada ano natural ao que se refira a declaración.

d) No bloque denominado “LIQUIDACIÓN” da autoliquidación (modelo 041) as casiñas (4) e (5) deixaranse en branco.

5. A información do sistema informático de apostas correspondente aos anos 2013, 2014 e 2015, deberá conformarse consonte coas disposicións establecidas na sección 4ª do capítulo II desta orde de forma que estea dispoñible ao principio de cada un dos prazos establecidos nesta disposición respectivamente.

6. Os prazos establecidos nesta disposición adicional entenderanse prorrogados ata o primeiro día hábil seguinte, no suposto de que o último día do período fose día inhábil ou sábado.

Disposición derradeira primeira. *Modificación da orde do 21 de xuño de 2006 pola que se regulan procedementos de xestión recadatoria e a actuación das entidades colaboradoras*

Introdúcense as seguintes modificacións nos Anexos I e IV da orde do 21 de xuño de 2006 pola que se regulan procedementos de xestión recadatoria e a actuación das entidades colaboradoras:

Un. Engádese no Anexo I, de maneira que se insira no lugar que lle corresponda segundo a orde numérica preestablecida o novo modelo de ingreso da autoliquidación da taxa fiscal sobre o xogo de apostas deportivas e de competición, coa seguinte redacción:

“041-TAXA FISCAL SOBRE O XOGO DE APOSTAS DEPORTIVAS E DE COMPETICIÓN. AUTOLIQUIDACIÓN”

Dous. Engádense no Anexo IV as seguintes modificacións:

- 1) modifícase a descrición das posicións 18-19 do deseño do rexistro do detalle de autoliquidacións (tipo 3), quedando redactada do seguinte xeito:

“PERÍODO

OBRIGATORIO PARA OS MODELOS 002, 005, 011, 012, 041, 043, 044 E 045.  
LIBRE PARA O RESTO DOS MODELOS.”

2) modifícase a descrición das posicións 20-22 do deseño do rexistro do detalle de autoliquidacións (tipo 3), engadindo, de maneira que se insira no lugar que lle corresponda segundo a orde numérica preestablecida o novo modelo de ingreso da autoliquidación da taxa fiscal sobre o xogo de apostas deportivas e de competición, coa seguinte redacción:

“041-TAXA FISCAL SOBRE O XOGO DE APOSTAS DEPORTIVAS E DE  
COMPETICIÓN. AUTOLIQUIDACIÓN”

*Disposición derradeira segunda. Modificación da orde do 25 de marzo de 2011 pola que se aproban as normas de aplicación do imposto sobre o dano medioambiental causado por determinados usos e aproveitamentos da auga encorada*

Introdúcense as seguintes modificacións na orde do 25 de marzo de 2011 pola que se aproban as normas de aplicación do imposto sobre o dano medioambiental causado por determinados usos e aproveitamentos da auga encorada:

Un. Modifícase a denominación do Censo telemático de aproveitamentos hidráulicos para usos industriais, que pasa denominarse Censo electrónico de aproveitamentos hidráulicos para usos industriais, substituíndose tódalas mencións que se fagan a el na orde, pola súa nova denominación.

Dous. Modifícase o número 2 do artigo 1, quedando redactado como segue:

“2. Para os efectos do disposto no número anterior, as aplicacións informáticas deste imposto poderán ser empregadas polos usuarios que se relacionan a seguir, sempre que sexan previamente autorizados pola dirección da Axencia Tributaria de Galicia (ATRIGA):

a) Os suxeitos pasivos que dispoñan do correspondente certificado de usuario outorgado pola Fábrica Nacional de Moeda e Timbre-Real Casa da Moeda

(FNMT-RCM) para a presentación e pagamento dos seus propios impostos, ou doutras autoridades certificadoras admitidas pola consellería competente en materia de facenda.

- b) Os membros dos colexios profesionais, as entidades privadas, así como as institucións ou organizacións representativas de sectores ou intereses sociais, laborais, empresarias ou profesionais, que subscribisen coa comunidade autónoma o correspondente convenio de colaboración, nos termos acordados neste.”

Tres. Modifícase o número 3 do artigo 1, quedando redactado como segue:

“3. Os usuarios anteriores, para poder empregar as aplicacións informáticas deste imposto, deberán presentar ante a dirección da ATRIGA, unha solicitude de autorización xunto a unha ficha de usuario, axustadas aos modelos que contén o anexo I, con anterioridade ao primeiro prazo no que deban cumprir as obrigas tributarias referidas a este imposto. Outorgarase a autorización a todos aqueles que reúnan as condicións establecidas no número anterior.”

Catro. Modifícase o número 1 do artigo 4, quedando redactado como segue:

“1. Os suxeitos pasivos deberán, con carácter xeral, no prazo de presentación da primeira autoliquidación e previamente a esta, presentar electronicamente ante a ATRIGA unha declaración inicial dos datos do aproveitamento consignados no modelo 010.

Para realizar esta declaración empregarán a aplicación informática que a administración tributaria da Comunidade Autónoma de Galicia poña á súa disposición na oficina virtual tributaria.”

Cinco. Modifícase o número 1 do artigo 5, quedando redactado como segue:

“1. Os suxeitos pasivos deberán ingresar e presentar electronicamente ante a ATRIGA o modelo 011, no que practicarán a autoliquidación do imposto e determinarán a débeda tributaria correspondente a cada período impositivo, nos vinte primeiros días naturais seguintes á finalización deste. O prazo anterior

entenderase prorrogado ata o primeiro día hábil seguinte, no suposto de que o último día do período fose día inhábil ou sábado.

Para isto empregarán a aplicación informática que a administración tributaria da Comunidade Autónoma de Galicia poña á súa disposición na oficina virtual tributaria e deberán estar previamente identificados co código de aproveitamento no Censo electrónico de aproveitamentos hidráulicos para usos industriais.”

Seis. Modifícase o número 2 do artigo 5, quedando redactado como segue:

“2. Os suxeitos pasivos declararán os datos necesarios para proceder ao cálculo da débeda tributaria e, unha vez calculada esta, o suxeito pasivo deberá realizar o pagamento da cantidade resultante da autoliquidación, de calquera dos xeitos sinalados no número seguinte, ou ben marcar na propia autoliquidación que vai solicitar o aprazamento ou o fraccionamento da débeda. Neste último caso, deberá presentarse ante a ATRIGA unha solicitude expresa de aprazamento ou fraccionamento na forma, lugar e prazo e cos requisitos e consecuencias sinaladas na normativa de aplicación e sen que poida entenderse presentada aquela coa presentación electrónica da autoliquidación.”

Sete. Modifícase o artigo 7, quedando redactado como segue:

“Cando se produza algunha variación nos datos inscritos no Censo, referentes ao aproveitamento ou ao encoro, os suxeitos pasivos deberán, con carácter xeral, presentar comunicación electrónica daquela ante a ATRIGA a través do modelo 010, no prazo de vinte días naturais contados desde o momento en que se produza a dita modificación e, en calquera caso, antes do pagamento e presentación electrónicos da autoliquidación correspondente ao período impositivo en que se producise a modificación a declarar.

Para isto empregará a aplicación informática a que fai referencia o artigo 4º anterior e seguirá o procedemento regulado nel.”

Oito. Modifícase o número 1 do artigo 9, quedando redactado como segue:

“1. Nos vinte primeiros días naturais seguintes á data de extinción da concesión, o suxeito pasivo deberá, con carácter xeral, ingresar e presentar electronicamente ante a ATRIGA o modelo 011, no que practicará a autoliquidación do imposto correspondente ao período impositivo no que se produza a extinción da concesión e determinará a débeda tributaria de xeito proporcional ao número de días deste.

Para isto empregará a aplicación informática a que fai referencia o artigo 5º anterior e seguirá o procedemento regulado nel.”

Nove. Modifícase a disposición adicional primeira, quedando redactada como segue:

“Disposición adicional primeira. *Excepcionalidade ao cumprimento das obrigas tributarias de xeito electrónico*

De xeito excepcional e cando circunstancias extraordinarias así o aconsellen, logo de petición do interesado debidamente xustificada, a dirección da ATRIGA, valoradas as razóns aducidas polo interesado e a documentación e as probas achegadas por el para xustificar a súa demanda, poderá eximir a aquel da obrigatoriedade de empregar os medios electrónicos para o cumprimento das obrigas tributarias reguladas nesta orde. A resolución fixará o alcance temporal da excepcionalidade e a forma e as condicións en que deberá facer efectivas as obrigas tributarias, sen prexuízo das consecuencias que se deriven consonte a normativa tributaria no caso de incumprimentos das normas.”

Dez. Modifícase a disposición adicional terceira, quedando redactada como segue:

“Disposición adicional terceira. *Obrigas de conservación de soportes informáticos das entidades colaboradoras na xestión recadatoria*

No suposto de pagamento electrónico das autoliquidacións referidas ao imposto sobre o dano medioambiental causado por determinados usos e aproveitamentos da auga encorada, a entidade de depósito autorizada, colaboradora na xestión recadatoria, que xerese o correspondente NRC xustificante deste, conservará durante un período de seis anos os soportes

informáticos que motivaron o devandito NRC.”

Once. Engádense dúas disposicións adicionais, a quinta e a sexta, coa seguinte redacción:

“Disposición adicional quinta. *Presentación e pagamento en prazo*

A falta de resposta do ordenador da entidade de depósito autorizada, colaboradora na xestión recadatoria, elixida polo interesado para realizar o pagamento electrónico das autoliquidacións recollidas nesta orde, así como a falta de conformidade da devandita entidade a materializar a operación polos motivos que, con ocasión do intento de efectuar o devandito pagamento poña en coñecemento do citado interesado, non escusarán a este do pagamento e presentación da autoliquidación dentro dos prazos establecidos na normativa correspondente a este tributo.

Disposición adicional sexta. *Modificación dos anexos desta orde*

Habílitase á persoa titular da dirección da ATRIGA a modificar ou actualizar mediante resolución publicada no Diario Oficial de Galicia os anexos a esta orde, cando fose preciso como consecuencia da modificación das normas legais ou regulamentarias ou como consecuencia dos avances tecnolóxicos, os cambios de sistemas ou calquera outra circunstancia que precisase a correspondente plasmación nos modelos aprobados ou nas normas ou especificacións técnicas aprobadas polos ditos anexos.”

Disposición derradeira terceira. *Modificación da orde do 29 de xaneiro de 2015 pola que se aproban as normas de aplicación do imposto sobre a contaminación atmosférica*

Modifícase a redacción da disposición adicional quinta, quedando redactada como segue:

“Disposición adicional quinta. *Modificación dos anexos desta orde*

Habílitase á persoa titular da dirección da ATRIGA a modificar ou actualizar mediante resolución publicada no Diario Oficial de Galicia os anexos a esta orde,

cando fose preciso como consecuencia da modificación das normas legais ou regulamentarias ou como consecuencia dos avances tecnolóxicos, os cambios de sistemas ou calquera outra circunstancia que precisase a correspondente plasmación nos modelos aprobados ou nas normas ou especificacións técnicas aprobadas polos ditos anexos.”

Disposición derradeira cuarta.- *Entrada en vigor*

A presente orde entrará en vigor o día seguinte ao da súa publicación.

Santiago de Compostela, 20 de outubro de 2015

O CONSELLEIRO DE FACENDA

Valeriano Martínez García.-



## ANEXO I

### **Solicitud de autorización para a utilización das aplicacións informáticas da Oficina Virtual Tributaria para o pagamento electrónico e a presentación electrónica dos modelos de declaración D-041 e de autoliquidación 041 da Taxa fiscal sobre o xogo de apostas deportivas e de competición.**

D/D<sup>a</sup>..... co NIF.....  
como titular/ representante de  
....., co NIF  
....., suxeito pasivo da Taxa fiscal sobre o  
xogo de apostas deportivas e de competición,

#### **SOLICITO**

autorización para a utilización das aplicacións informáticas da Oficina Virtual Tributaria para o pagamento electrónico e a presentación electrónica dos modelos de declaración D-041 e de autoliquidación 041 da Taxa fiscal sobre o xogo de apostas deportivas e de competición, con suxeición ao establecido na normativa vixente.

....., ..... de..... de .....

Asdo.:

**Identificación de usuarios para a utilización das aplicacións informáticas da Oficina Virtual Tributaria para o pagamento electrónico e a presentación electrónica dos modelos de declaración D-041 e de autoliquidación 041 da Taxa fiscal sobre o xogo de apostas deportivas e de competición.**

#### **IDENTIFICACIÓN DO SUXEITO PASIVO**

Denominación Social
NIF
Enderezo
Concello
Provincia
Teléfono
Correo electrónico

#### **IDENTIFICACIÓN DO/S USUARIO/S DA APLICACIÓN:**

Nome e Apelidos
NIF
Teléfono
Correo electrónico

Idioma <sup>1</sup>	: Nivel de acceso <sup>2</sup> :
Sistema operativo	

Nome e Apelidos	
NIF	
Teléfono	
Correo electrónico	
Idioma <sup>1</sup>	: Nivel de acceso <sup>2</sup> :
Sistema operativo	

Nome e Apelidos	
NIF	
Teléfono	
Correo electrónico	
Idioma <sup>1</sup>	: Nivel de acceso <sup>2</sup> :
Sistema operativo	

## RESPONSABLE DE INFORMÁTICA

Nome e Apelidos	
NIF	
Teléfono	
Correo electrónico	

<sup>1</sup> O idioma poderase cubrir “*galego*” ou “*castelán*” segundo se desexe.

<sup>2</sup> Acceso. Se se pon “total”, poderanse ver todos os expedientes presentados; se se pon “parcial”, só se poderán ver os expedientes grabados por ese usuario exclusivamente.

## ANEXO II<sup>10</sup>

### Modelo en formato electrónico de declaración informativa de apuestas deportivas e de competición (modelo D-041).

<b>AXENCIA TRIBUTARIA DE GALICIA</b> DEPARTAMENTO DE TRIBUTOS DE XESTIÓN CENTRALIZADA	<b>TAXA FISCAL SOBRE O XOGO DE APOSTAS DEPORTIVAS E DE COMPETICIÓN</b> Decreto legislativo 1/2011, do 28 de xullo AUTOLIQUIDACIÓN	Modelo <b>D-041</b>																																																																																									
<table border="1" style="width: 100%; border-collapse: collapse;"> <tr> <td style="width: 10%; text-align: center; vertical-align: middle;"><b>PERÍODO E CARÁCTER</b></td> <td style="width: 20%;">EXERCICIO</td> <td style="width: 20%;">PERÍODO</td> <td style="width: 50%;"></td> </tr> <tr> <td></td> <td><input type="text"/></td> <td><input type="text"/></td> <td><input type="text"/></td> </tr> <tr> <td></td> <td colspan="3">Data de autorización:</td> </tr> <tr> <td></td> <td><input type="checkbox"/> Complementaria</td> <td colspan="2">Nº declaración:</td> </tr> </table>	<b>PERÍODO E CARÁCTER</b>	EXERCICIO	PERÍODO			<input type="text"/>	<input type="text"/>	<input type="text"/>		Data de autorización:				<input type="checkbox"/> Complementaria	Nº declaración:		<table border="1" style="width: 100%; border-collapse: collapse;"> <tr> <td style="width: 50%;">Nº expediente:</td> <td style="width: 50%;">Data de presentación:</td> </tr> <tr> <td><input type="text"/></td> <td><input type="text"/></td> </tr> </table>	Nº expediente:	Data de presentación:	<input type="text"/>	<input type="text"/>																																																																						
<b>PERÍODO E CARÁCTER</b>	EXERCICIO	PERÍODO																																																																																									
	<input type="text"/>	<input type="text"/>	<input type="text"/>																																																																																								
	Data de autorización:																																																																																										
	<input type="checkbox"/> Complementaria	Nº declaración:																																																																																									
Nº expediente:	Data de presentación:																																																																																										
<input type="text"/>	<input type="text"/>																																																																																										
<b>SUJEITO PASIVO</b>	<table border="1" style="width: 100%; border-collapse: collapse;"> <tr> <td style="width: 20%;">NIF</td> <td colspan="6">Apellidos e nome ou razón social</td> </tr> <tr> <td>Rúa/praza/calleida.</td> <td colspan="3">Nome da vía pública</td> <td>Número</td> <td>Esc.</td> <td>Andar</td> <td>Porta</td> <td>Teléfono</td> </tr> <tr> <td colspan="4">Concello</td> <td>Código</td> <td colspan="2">Provincia</td> <td colspan="2">Cód. postal</td> </tr> </table>							NIF	Apellidos e nome ou razón social						Rúa/praza/calleida.	Nome da vía pública			Número	Esc.	Andar	Porta	Teléfono	Concello				Código	Provincia		Cód. postal																																																												
NIF	Apellidos e nome ou razón social																																																																																										
Rúa/praza/calleida.	Nome da vía pública			Número	Esc.	Andar	Porta	Teléfono																																																																																			
Concello				Código	Provincia		Cód. postal																																																																																				
<b>REPRESENTANTE</b>	<table border="1" style="width: 100%; border-collapse: collapse;"> <tr> <td style="width: 20%;">NIF</td> <td colspan="6">Apellidos e nome ou razón social</td> </tr> <tr> <td>Rúa/praza/calleida.</td> <td colspan="3">Nome da vía pública</td> <td>Número</td> <td>Esc.</td> <td>Andar</td> <td>Porta</td> <td>Teléfono</td> </tr> <tr> <td colspan="4">Concello</td> <td>Código</td> <td colspan="2">Provincia</td> <td colspan="2">Cód. postal</td> </tr> </table>							NIF	Apellidos e nome ou razón social						Rúa/praza/calleida.	Nome da vía pública			Número	Esc.	Andar	Porta	Teléfono	Concello				Código	Provincia		Cód. postal																																																												
NIF	Apellidos e nome ou razón social																																																																																										
Rúa/praza/calleida.	Nome da vía pública			Número	Esc.	Andar	Porta	Teléfono																																																																																			
Concello				Código	Provincia		Cód. postal																																																																																				
<b>INFORMACIÓN APOSTAS</b>	<table border="1" style="width: 100%; border-collapse: collapse;"> <thead> <tr> <th colspan="7" style="text-align: left; padding-left: 5px;">INFORMACIÓN APOSTAS DO PERÍODO</th> </tr> <tr> <th style="width: 15%;">TIPO DE APOSTA</th> <th style="width: 15%;">Nº apostas validadas</th> <th style="width: 15%;">Cantidades apostadas</th> <th style="width: 15%;">Nº apostas anuladas</th> <th style="width: 15%;">Devolucións</th> <th style="width: 15%;">Nº premios pagados</th> <th style="width: 15%;">Importe</th> </tr> </thead> <tbody> <tr> <td>MU</td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> </tr> <tr> <td>CR</td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> </tr> <tr> <td>CO</td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> </tr> <tr> <td>TOTAL</td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> </tr> <tr> <th colspan="7" style="text-align: left; padding-left: 5px;">INFORMACIÓN ACUMULADA ATA O FIN DO PERÍODO</th> </tr> <tr> <th style="width: 15%;">TIPO DE APOSTA</th> <th style="width: 15%;">Nº apostas validadas</th> <th style="width: 15%;">Cantidades apostadas</th> <th style="width: 15%;">Nº apostas anuladas</th> <th style="width: 15%;">Devolucións</th> <th style="width: 15%;">Nº premios pagados</th> <th style="width: 15%;">Importe</th> </tr> <tr> <td>MU</td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> </tr> <tr> <td>CR</td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> </tr> <tr> <td>CO</td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> </tr> <tr> <td>TOTAL</td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> <td><input type="text"/></td> </tr> </tbody> </table>							INFORMACIÓN APOSTAS DO PERÍODO							TIPO DE APOSTA	Nº apostas validadas	Cantidades apostadas	Nº apostas anuladas	Devolucións	Nº premios pagados	Importe	MU	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	CR	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	CO	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	TOTAL	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	INFORMACIÓN ACUMULADA ATA O FIN DO PERÍODO							TIPO DE APOSTA	Nº apostas validadas	Cantidades apostadas	Nº apostas anuladas	Devolucións	Nº premios pagados	Importe	MU	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	CR	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	CO	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	TOTAL	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>
INFORMACIÓN APOSTAS DO PERÍODO																																																																																											
TIPO DE APOSTA	Nº apostas validadas	Cantidades apostadas	Nº apostas anuladas	Devolucións	Nº premios pagados	Importe																																																																																					
MU	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>																																																																																					
CR	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>																																																																																					
CO	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>																																																																																					
TOTAL	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>																																																																																					
INFORMACIÓN ACUMULADA ATA O FIN DO PERÍODO																																																																																											
TIPO DE APOSTA	Nº apostas validadas	Cantidades apostadas	Nº apostas anuladas	Devolucións	Nº premios pagados	Importe																																																																																					
MU	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>																																																																																					
CR	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>																																																																																					
CO	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>																																																																																					
TOTAL	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>																																																																																					
<b>RESUMO DO CONTIDO ANEXO</b>	<b>RELACIÓN IDENTIFICATIVA DOS PREMIOS SUPERIORES Á CANTIDADE APROBADA POR ORDE:</b> A declaración contém premios que, ordenados por "Nº boleto", van dende ata A súa pegada dixital SHA-1 é:																																																																																										
<b>SELO</b>	A veracidade do contido deste documento pódese comprobar no enderezo <a href="http://www.atriga.gal">www.atriga.gal</a> (Oficina Virtual Tributaria). Código Seguro de Verificación																																																																																										

Exemplar para o interesado

<sup>10</sup> Modificado por Resolución da Axencia Tributaria de Galicia do 27 de outubro 2021 pola que se actualizan os modelos en formato electrónico das declaracións e autoliquidacións dos tributos propios da Comunidade Autónoma e dos tributos sobre xogo (DOG núm.216, de 10 de novembro de 2021)

## **INSTRUCCIÓN**

### **PERÍODO E CARÁCTER**

Neste bloque deberán consignarse os datos correspondentes ao período ao que corresponde a declaración, así como o carácter dela, de xeito que:

- a) No exercicio farase constar o ano ao que corresponden os datos incluídos na declaración.
- b) No período consignarase o trimestre ao que corresponden os datos incluídos na declaración numerados do 01 ata o 04, dende o primeiro trimestre natural ata o cuarto trimestre natural do ano.

*Exemplo: do 1 ao 20 de outubro do ano 20XX terase que presentar a declaración correspondente ao trimestre inmediato anterior, polo que en exercicio consignarase 20XX e en período, consignarase 03.*

Se a declaración fora unha complementaria doutra xa presentada, marcarase a casíña denominada COMPLEMENTARIA e consignarase o número da declaración á que complementa.

Neste bloque, unha vez presentada a declaración, cargarase o número da operación de referencia, o número de expediente e a data de presentación.

### **SUXEITO PASIVO**

Neste bloque deberán consignar os datos identificativos do suxeito pasivo: NIF, apelidos e nome ou razón social, enderezo fiscal ou enderezo para efectos de notificacións. O enderezo que será cargado informaticamente é o enderezo fiscal do seu certificado dixital. Se quere consignar un enderezo diferente para os efectos de notificación, deberá comunicalo con carácter previo na Oficina Virtual Tributaria. Para isto deberá acceder ao módulo de “Xestión de Datos Persoais” no submenú “Catálogo de servizos”.

### **REPRESENTANTE**

No caso de actuar mediante representante, deberá consignar os datos deste: NIF, Apelidos e nome ou razón social e enderezo.

### **INFORMACIÓN APOSTAS**

Neste bloque consignarase de forma resumida a información correspondente ao xogo de apostas desenvolvido no período ao que se refire a declaración, agrupada segundo a tipoloxía das apostas, en mutuas, cruzadas ou de contrapartida. Recollerase así mesmo e coa mesma estrutura, a información acumulada correspondente ao xogo de apostas desenvolvido no ano natural ata a fin do período ao que se refire a declaración.

A información requirida consignarase en columnas segundo a descrición seguinte:

#### **INFORMACIÓN APOSTAS DO PERÍODO**

Nº de apostas validadas:	Consignarase en cada liña o número de apostas validamente formalizadas no período ao que se refire a declaración.
Cantidades apostadas:	Consignarase en cada liña o importe total correspondente ás cantidades apostadas polos xogadores, incluídas aquelas cantidades que foran

	devoltas consonte co Regulamento de Apostas, polas apostas validamente formalizadas no período ao que se refire a declaración.
Nº de apostas anuladas:	Consignarase en cada liña o número de apostas validamente formalizadas que se tiveran anulado no período ao que se refire a declaración, consonte co disposto no Regulamento de Apostas.
Devolucións:	Consignarase o importe total correspondente ás cantidades apostadas polos xogadores e que foran devoltas no período ao que se refire a declaración, consonte co Regulamento de Apostas.
Nº de premios pagados:	Consignarase en cada liña o número de premios pagados no período ao que se refire a declaración.
Importe:	Consignarase o importe total correspondente ás cantidades obtidas en premios polos xogadores, que efectivamente se tiveran aboado pola empresa no período ao que se refire a declaración.

### **INFORMACIÓN ACUMULADA APOSTAS ATA A FIN DO PERÍODO**

Nº de apostas validadas:	Consignarase en cada liña o número de apostas validamente formalizadas dende a data de devindicación do exercicio ata a fin do período ao que se refire a declaración.
Cantidades apostadas:	Consignarase en cada liña o importe total correspondente ás cantidades apostadas polos xogadores, incluídas aquelas cantidades que foran devoltas consonte co Regulamento de Apostas, polas apostas validamente formalizadas dende a data de devindicación do exercicio ata a fin do período ao que se refire a declaración.
Nº de apostas anuladas:	Consignarase en cada liña o número de apostas validamente formalizadas que se tiveran anulado dende a data de devindicación do exercicio ata a fin do período ao que se refire a declaración, consonte co disposto no Regulamento de Apostas.
Devolucións:	Consignarase o importe total correspondente ás cantidades apostadas polos xogadores e que foran devoltas dende a data de devindicación do exercicio ata a fin do período ao que se refire a declaración, consonte co Regulamento de Apostas.
Nº de premios pagados:	Consignarase en cada liña o número de premios pagados dende a data de devindicación do exercicio ata a fin do período ao que se refire a declaración.
Importe:	Consignarase o importe total correspondente ás cantidades obtidas en premios polos xogadores, que efectivamente se tiveran aboado pola empresa dende a data de devindicación do exercicio ata a fin do período ao que se refire a declaración.

### **RESUMO DO CONTIDO DO ANEXO:**

Este bloque reflectirá un resumo dos datos contidos no Anexo da declaración informativa presentada e máis a súa pegada dixital.

### **RELACIÓN IDENTIFICATIVA DOS PREMIOS SUPERIORES A 2.500 €:**

A declaración contén (número de boletos) premios que, ordenados por “Nº boleto”, van dende (Nº boleto) ata (Nº boleto).

A súa pegada dixital SHA-1 é:

[XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX]

### **ANEXO. DATOS PREMIOS**

### **RELACIÓN IDENTIFICATIVA DOS PREMIOS SUPERIORES A 2.500 €:**

Neste bloque consignaranse os datos identificativos de cada un dos premios

superiores a 2.500 € que se tiveran efectivamente aboado no período, distinguindo pola tipoloxía da aposta.

Tipo de documento:	Consignarase: - N, cando se trate do NIF ou do NIE - P, cando se trate do pasaporte - O, cando se trate doutro número identificativo, e só en defecto de NIF/NIE ou pasaporte.
NIF:	Consignarase o NIF; só no seu defecto, consignarase o NIE, o número de pasaporte ou, en último caso, o número de identidade que correspondera en cada caso da persoa titular do premio.
Apelidos e nome:	Consignaranse os apelidos e o nome da persoa titular do premio.
Identificación aposta:	Consignarase o número identificativo da aposta validamente formalizada que se corresponde co premio.
Tipo de aposta:	Consignarase: MU: se se tratara de apostas mutuas. CR: se se tratara de apostas cruzadas. CO: se se tratara de apostas de contrapartida.
Cantidade apostada:	Consignarase o importe total correspondente á cantidade apostada pola persoa titular do premio na aposta premiada.
Data de validación da aposta:	Consignarase a data na que se formalizou validamente a aposta.
Premio pagado:	Consignarase o importe total do premio efectivamente aboado á persoa titular del, correspondente á aposta identificada.
Data pagamento premio:	Consignarase a data na que se fixo efectivo o pagamento do premio correspondente á aposta identificada.
Nº recibo:	Consignarase o número identificativo do recibo ou xustificante do pagamento entregado á persoa titular do premio.

A declaración será datada e asinada polo suxeito pasivo ou polo seu representante.

O Anexo poderá ser descargado polos suxeitos pasivos unha vez presentada a declaración informativa, mediante a identificación do número dela, podendo descargar o seu contido.

## ANEXO III<sup>11</sup>

### Modelo en formato electrónico de autoliquidación da taxa fiscal de apostas deportivas e de competición (modelo 041)

<b>AXENCIA TRIBUTARIA DE GALICIA</b> DEPARTAMENTO DE TRIBUTOS DE XESTIÓN CENTRALIZADA	<b>TAXA FISCAL SOBRE O XOGO DE APOSTAS DEPORTIVAS E DE COMPETICIÓN</b> Decreto lexislativo 1/2011, do 28 de xullo AUTOLIQUIDACIÓN	Modelo <span style="font-size: 24pt; font-weight: bold;">041</span>																																																		
PERÍODO E CARÁCTER EXERCICIO: _____ PERÍODO: _____ DATA DE DEVINDICACIÓN: _____ Data de autorización: _____ <input type="checkbox"/> Complementaria Nº autoliquidación: _____	Nº expediente: _____ Data de presentación: _____																																																			
SUJEITO PASIVO NIF: _____ Apelidos e nome ou razón social: _____ Rúa/praza/calle: _____ Nome da vía pública: _____ Número: _____ Esc: _____ Andar: _____ Porta: _____ Teléfono: _____ Concello: _____ Código: _____ Provincia: _____ Cód. postal: _____																																																				
REPRESENTANTE NIF: _____ Apelidos e nome ou razón social: _____ Rúa/praza/calle: _____ Nome da vía pública: _____ Número: _____ Esc: _____ Andar: _____ Porta: _____ Teléfono: _____ Concello: _____ Código: _____ Provincia: _____ Cód. postal: _____																																																				
APOSTAS DEPORTIVAS E DE COMPETICIÓN Nº declaración D-041: _____																																																				
<table border="1" style="width: 100%; border-collapse: collapse;"> <thead> <tr> <th style="width: 10%;">Tipo de aposta</th> <th style="width: 10%;">Importe cantidades</th> <th style="width: 10%;">Importe devoluciones</th> <th style="width: 10%;">Importe premios</th> <th style="width: 10%;">Base imponible (1)</th> <th style="width: 10%;">Tipo de gravame (2)</th> <th style="width: 10%;">Importe (3)</th> </tr> </thead> <tbody> <tr> <td>MU <input type="checkbox"/></td> <td>_____</td> <td>_____</td> <td>_____</td> <td>(1a) _____</td> <td>(2a) _____</td> <td>(3a) _____</td> </tr> <tr> <td>CR <input type="checkbox"/></td> <td>_____</td> <td>_____</td> <td>_____</td> <td>(1b) _____</td> <td>(2b) _____</td> <td>(3b) _____</td> </tr> <tr> <td>CO <input type="checkbox"/></td> <td>_____</td> <td>_____</td> <td>_____</td> <td>(1c) _____</td> <td>(2c) _____</td> <td>(3c) _____</td> </tr> <tr> <td><b>TOTAL</b> <input type="checkbox"/></td> <td>_____</td> <td>_____</td> <td>_____</td> <td>(1) _____</td> <td>(2) _____</td> <td>(3) _____</td> </tr> </tbody> </table>	Tipo de aposta	Importe cantidades	Importe devoluciones	Importe premios	Base imponible (1)	Tipo de gravame (2)	Importe (3)	MU <input type="checkbox"/>	_____	_____	_____	(1a) _____	(2a) _____	(3a) _____	CR <input type="checkbox"/>	_____	_____	_____	(1b) _____	(2b) _____	(3b) _____	CO <input type="checkbox"/>	_____	_____	_____	(1c) _____	(2c) _____	(3c) _____	<b>TOTAL</b> <input type="checkbox"/>	_____	_____	_____	(1) _____	(2) _____	(3) _____																	
Tipo de aposta	Importe cantidades	Importe devoluciones	Importe premios	Base imponible (1)	Tipo de gravame (2)	Importe (3)																																														
MU <input type="checkbox"/>	_____	_____	_____	(1a) _____	(2a) _____	(3a) _____																																														
CR <input type="checkbox"/>	_____	_____	_____	(1b) _____	(2b) _____	(3b) _____																																														
CO <input type="checkbox"/>	_____	_____	_____	(1c) _____	(2c) _____	(3c) _____																																														
<b>TOTAL</b> <input type="checkbox"/>	_____	_____	_____	(1) _____	(2) _____	(3) _____																																														
LIQUIDACIÓN <table border="1" style="width: 100%; border-collapse: collapse;"> <thead> <tr> <th style="width: 30%;"></th> <th style="width: 10%;">MU</th> <th style="width: 10%;">CR</th> <th style="width: 10%;">CO</th> <th style="width: 10%;">TOTAL</th> </tr> </thead> <tbody> <tr> <td>BASE IMPONIBLE (1)</td> <td>(1a) _____</td> <td>(1b) _____</td> <td>(1c) _____</td> <td>(1) _____</td> </tr> <tr> <td>TIPO DE GRAVAME (2)</td> <td>(2a) _____</td> <td>(2b) _____</td> <td>(2c) _____</td> <td>(2) _____</td> </tr> <tr> <td>TOTAL (3)</td> <td>(3a) _____</td> <td>(3b) _____</td> <td>(3c) _____</td> <td>(3) _____</td> </tr> <tr> <td>Para deducir PAC autoliquidados exercicio (4)</td> <td>(4a) _____</td> <td>(4b) _____</td> <td>(4c) _____</td> <td>(4) _____</td> </tr> <tr> <td>PAC a ingresar (5) : (3) - (4)</td> <td>(5a) _____</td> <td>(5b) _____</td> <td>(5c) _____</td> <td>(5) _____</td> </tr> <tr> <td>Cota diferencial (6) : (3) - (4)</td> <td>(6a) _____</td> <td>(6b) _____</td> <td>(6c) _____</td> <td>(6) _____</td> </tr> <tr> <td>Importe autoliquidacións anteriores (7)</td> <td colspan="3"></td> <td>(7) _____</td> </tr> <tr> <td>Total a ingresar/ a devolver (8)</td> <td colspan="3"></td> <td>(8) _____</td> </tr> <tr> <td colspan="4" style="text-align: center;"><b>IMPORTE INGRESADO/A DEVOLVER</b></td> <td>(8) _____</td> </tr> </tbody> </table>		MU	CR	CO	TOTAL	BASE IMPONIBLE (1)	(1a) _____	(1b) _____	(1c) _____	(1) _____	TIPO DE GRAVAME (2)	(2a) _____	(2b) _____	(2c) _____	(2) _____	TOTAL (3)	(3a) _____	(3b) _____	(3c) _____	(3) _____	Para deducir PAC autoliquidados exercicio (4)	(4a) _____	(4b) _____	(4c) _____	(4) _____	PAC a ingresar (5) : (3) - (4)	(5a) _____	(5b) _____	(5c) _____	(5) _____	Cota diferencial (6) : (3) - (4)	(6a) _____	(6b) _____	(6c) _____	(6) _____	Importe autoliquidacións anteriores (7)				(7) _____	Total a ingresar/ a devolver (8)				(8) _____	<b>IMPORTE INGRESADO/A DEVOLVER</b>				(8) _____		
	MU	CR	CO	TOTAL																																																
BASE IMPONIBLE (1)	(1a) _____	(1b) _____	(1c) _____	(1) _____																																																
TIPO DE GRAVAME (2)	(2a) _____	(2b) _____	(2c) _____	(2) _____																																																
TOTAL (3)	(3a) _____	(3b) _____	(3c) _____	(3) _____																																																
Para deducir PAC autoliquidados exercicio (4)	(4a) _____	(4b) _____	(4c) _____	(4) _____																																																
PAC a ingresar (5) : (3) - (4)	(5a) _____	(5b) _____	(5c) _____	(5) _____																																																
Cota diferencial (6) : (3) - (4)	(6a) _____	(6b) _____	(6c) _____	(6) _____																																																
Importe autoliquidacións anteriores (7)				(7) _____																																																
Total a ingresar/ a devolver (8)				(8) _____																																																
<b>IMPORTE INGRESADO/A DEVOLVER</b>				(8) _____																																																
DEVOLUCIÓN Se o importe consignado no recibo "Importe ingresado/a devolver" é unha cantidade negativa, marque con "X" o que corresponde: <input type="checkbox"/> RENUNCIA a devolución a favor do Tesouro Público... <input type="checkbox"/> SOLICITA a devolución... Importe: _____ Importante: se solicita a devolución, consigne os datos completos de conta bancaria na cal desexa recibir o importe a devolver IBAN/Conta: _____ Código BIC/SWIFT: _____ (só para contas estranxeiras)																																																				
IMPRESO Entidade: _____ Data de ingreso: _____ NRC: _____																																																				
SELLO A veracidade do contido deste documento pódese comprobar no enderezo <a href="http://www.atrga.gal">www.atrga.gal</a> (Oficina Virtual Tributaria). Código Seguro de Verificación: _____																																																				

Os contribuíntes, nas súas relacións coas administracións tributarias, gozan dos dereitos xerais definidos no artigo 34 da Lei 58/2003, do 17 de decembro, Xeral Tributaria, así como dos dereitos definidos no artigo 13 da Lei 58/2015, do 1 de outubro, do procedemento administrativo común das Administracións Públicas.

Exemplar para o interesado

<sup>11</sup> Modificado pola Resolución da Axencia Tributaria de Galicia do 12 de decembro de 2019 pola que se actualizan os modelos en formato electrónico das autoliquidacións dos tributos propios da Comunidade Autónoma e dos tributos sobre o xogo e as especificacións técnicas de determinados arquivos informáticos (DOG Núm. 242 do 20 de decembro de 2019) e Resolución da Axencia Tributaria de Galicia do 27 de outubro 2021 pola que se actualizan os modelos en formato electrónico das declaracións e autoliquidacións dos tributos propios da Comunidade Autónoma e dos tributos sobre xogo (DOG núm.216, de 10 de novembro de 2021)

**AXENCIA TRIBUTARIA DE GALICIA**  
**DEPARTAMENTO DE TRIBUTOS DE**  
**XESTIÓN CENTRALIZADA**

**TAXA FISCAL SOBRE O XOGO DE**  
**APOSTAS DEPORTIVAS E DE**  
**COMPETICIÓN**  
 Decreto legislativo 1/2011, do 28 de xullo  
**AUTOLIQUIDACIÓN**



Modelo

**041**

Identificación	EXERCICIO	PERÍODO	DATA DE DEVINDICACIÓN	Nº expediente:	Data de presentación:
	Data de autorización: <input type="checkbox"/> Complementaria      Nº auto liquidación:				
Ingreso telemático	Entidade: Data ingreso: NRC: Importe:				
Domiciliación	Cp. Domiciliación: Entidade: Titular: IBAN: Concepto: Importe:      Data cargo:				
Aprazamento/ Fraccionamento	Importe: ATENCIÓN: Indicado un importe neste recadro comunica á administración que vai presentar unha solicitude de aprazamento/fraccionamento de díbeda tributaria. En ningún caso se entenderá presentada a solicitude de aprazamento/fraccionamento pola simple presentación de auto liquidación.				
Díbeda recoñecida	Importe: ATENCIÓN: Indicado un importe neste recadro comunica á Administración que recoñece a existencia dunha díbeda derivada de auto liquidación presentada polo dito importe e que non foi efectivo o seu importe neste libro. Transcorrido o prazo voluntario de pagamento da díbeda sen facer efectivo o seu importe, esixiráselle pola vía de construímento, nas condicións establecidas na normativa tributaria.				



## INSTRUCCIÓN

Presentarase unha autoliquidación que agrupará os datos declarados no modelo D-041 correspondentes á actividade do xogo de apostas desenvolvido dende a data de devindicación ata a fin do período ao que se refire a autoliquidación.

### PERÍODO E CARÁCTER

Neste bloque deberán consignarse os datos correspondentes ao período ao que corresponde a declaración, así como o carácter dela, de xeito que:

- a) No exercicio farase constar o ano natural ao que corresponden os datos incluídos na declaración.
- b) No período consignarase o trimestre ao que corresponden os datos incluídos na declaración numerados do 1 ata o 4, dende o primeiro trimestre natural ata o cuarto trimestre natural do ano.

*Exemplo: do 1 ao 20 de outubro do ano 20XX terase que presentar a declaración correspondente ao trimestre inmediato anterior, polo que en exercicio consignarase 20XX e en período, consignarase 3.*

Se a autoliquidación fora unha complementaria doutra xa presentada, marcarase a casíña denominada COMPLEMENTARIA e consignarase o número da autoliquidación á que complementa.

### SUXEITO PASIVO

Neste bloque deberán consignar os datos identificativos do suxeito pasivo: NIF, APELIDOS E NOME OU RAZÓN SOCIAL, ENDEREZO FISCAL OU ENDEREZO PARA EFECTOS DE NOTIFICACIÓN. O enderezo que será cargado informaticamente é o enderezo fiscal do seu certificado dixital. Se quere consignar un enderezo diferente para os efectos de notificación, deberá comunicalo con carácter previo na Oficina Virtual Tributaria. Para isto deberá acceder ao módulo de “Xestión de Datos Persoais” no submenú “Catálogo

de servizos”.

### REPRESENTANTE

No caso de actuar mediante representante, deberá consignar os datos deste: NIF, APELIDOS E NOME OU RAZÓN SOCIAL e ENDEREZO FISCAL.

### APOSTAS DEPORTIVAS E DE COMPETICIÓN

Nº declaración D-041	Consignarase o número do modelo D-041 ao que está asociada a autoliquidación.
Tipo de aposta:	Consignarase: MU: se se tratara de apostas mutuas. CR: se se tratara de apostas cruzadas. CO: se se tratara de apostas de contrapartida.
Importe cantidades apostadas:	Consignarase en cada liña o importe total correspondente ás cantidades apostadas polos xogadores, incluídas aquelas cantidades que foran devoltas consonte co Regulamento de Apostas, polas apostas validamente formalizadas dende a data de devindicación do exercicio ata a fin do período ao que se refire a declaración.
Importe devolucións:	Consignarase en cada liña o importe total correspondente ás cantidades apostadas polos xogadores e que foran devoltas dende a data de devindicación do exercicio ata a fin do período ao que se refire a declaración, consonte co Regulamento de Apostas.
Importe premios pagados:	Consignarase en cada liña o importe total correspondente ás cantidades obtidas en premios polos xogadores, que efectivamente se tiveran aboado pola empresa dende a data de devindicación do exercicio ata a fin do período ao que se refire a declaración.
Base imponible:	Consignarase en cada liña a base imponible, que consistirá no resultado de descontar do importe das cantidades apostadas a suma dos importes das devolucións e dos premios pagados.
Tipo de gravame:	Consignarase o tipo de gravame vixente na data de devindicación, para a

	tipoloxía que corresponda de aposta.
Importe:	Consignarase a cantidade que correspondera á aplicación do tipo de gravame vixente sobre a base imponible.

### LIQUIDACIÓN

Neste bloque deberá procederse á autoliquidación do importe da débeda tributaria que se deba ingresar en cada período consonte cos datos declarados.

Neste bloque practicarase o cálculo e a autoliquidación que correspondera ao período sinalado no apartado CARÁCTER da declaración e que será, no caso dos períodos 1, 2 e 3, a conta da débeda tributaria definitiva do ano natural ao que se refire a autoliquidación.

BASE IMPOÑIBLE (1): nas casañas (1a), (1b) e (1c) trasladaranse os importes consignados nas casañas de igual nome do bloque anterior, e, na casaña (1) consignarase o resultado total da columna denominada BASE IMPOÑIBLE consignada na casaña de igual nome do bloque anterior.

TIPO DE GRAVAME (2): nas casañas (2a), (2b) e (2c) trasladaranse as porcentaxes consignadas nas casañas de igual nome do bloque anterior. A casaña (2) consignarase unicamente no caso de que coincidan (2a), (2b) e (2c).

TOTAL (3): nas casañas (3a), (3b) e (3c) trasladaranse os importes consignados nas casañas de igual nome do bloque anterior, e, na casaña (3) consignarase o resultado total da suma dos importes anteriores.

PARA DEDUCIR PAC AUTOLIQUIDADOS EXERCICIO (4): No caso de que se tiveran autoliquidado pagamentos a conta (PAC, en diante) da débeda tributaria do ano natural ao que se refire a autoliquidación, consignarase, segundo proceda en cada unha das casañas (4a), (4b), (4c) os importes correspondentes ás autoliquidacións do

ano natural presentadas con anterioridade. Na casíña (4), consignarase o resultado total da suma dos importes anteriores.

PAC A INGRESAR (5): Esta liña deixarase en branco, en caso das autoliquidacións correspondentes ao período 4 de cada ano natural. No resto delas, nas casíñas (5a), (5b) e (5c) trasladarase o importe positivo que correspondera ao resultado de minorar as cantidades consignadas nas casíñas (3a), (3b) e (3c) nos importes consignados nas casíñas (4a), (4b) e (4c) respectivamente. No caso de que o resultado fora negativo, consignarase cero. Na casíña (5) consignarase o importe resultado da suma dos importes consignados nas casíñas (5a), (5b) e (5c).

COTA DIFERENCIAL (6): Esta liña só será cuberta en caso das autoliquidacións correspondentes ao período 4 de cada ano natural. No resto delas, deixarase en branco. Nas casíñas (6a), (6b) e (6c) trasladarase o importe que correspondera ao resultado de minorar as cantidades consignadas nas casíñas (3a), (3b) e (3c) nos importes consignados nas casíñas (4a), (4b) e (4c) respectivamente.

IMPORTE AUTOLIQUIDACIÓNS ANTERIORES (7): Esta liña só será cuberta en caso de que se tratara dunha autoliquidación complementaria. Neste caso, consignarase o importe que se tivera autoliquidado na autoliquidación á que se complementa.

TOTAL A INGRESAR/A DEVOLVER (8): na casíña (8) trasladarase, segundo corresponda, o importe positivo da casíña (5) ou o importe positivo ou negativo da casíña (6), minorado, de ser o caso, polo importe da casíña (7).

IMPORTE INGRESADO/A DEVOLVER (I): Na casíña (I) trasladarase o importe da casíña (8) se fora negativo. No caso de que o importe da casíña (8) fora positivo, na (I) figurará o importe que se ingresara.

### DEVOLUCIÓN

No caso de que o importe do recadro (8) fora unha cantidade a devolver derivada da normativa do imposto, o suxeito pasivo deberá:

- marcar o recadro da súa solicitude, consignar o importe cuxa devolución solicita e, consignar, empezando pola esquerda, os datos identificativos da conta (IBAN) da súa titularidade na que desexa recibir a devolución. No caso de contas en entidades financeiras españolas, o código IBAN estará composto por 24 díxitos, que deberán rechearse comezando pola esquerda.

- marcar o recadro polo que renuncia á devolución do importe a favor do Tesouro da Facenda Galega e consignar o importe correspondente. Neste caso, o importe que figurará no recadro (I) IMPORTE INGRESADO/A DEVOLVER será 0.

### INGRESO. ANEXO DATOS PAGO

Unha vez calculado o total a ingresar, o obrigado tributario deberá seleccionar a/s forma/s de pago da débeda tributaria, de xeito que poderá:

- a) Pagar o importe total ou parcialmente
- b) Domiciliar o importe total ou parcialmente
- c) Aprazar ou fraccionar o importe total ou parcialmente
- d) Recoñecer débeda polo importe total ou pola parte non pagada, domiciliada e/ou aprazada ou fraccionada.

### INGRESO TELEMÁTICO

No caso de ingreso total ou parcial da débeda tributaria, neste recadro figurará a entidade na que se realizou o ingreso, a data na que se efectuou, o NRC e o importe ingresado.

### DOMICILIACIÓN

No caso de que se ordeara a domiciliación do total da débeda ou dunha parte dela, neste recadro figurará o número da operación, a entidade na que se domiciliou o pago, o número IBAN e máis o NIF do titular da conta, o concepto, o importe e a data do cargo.

#### APRAZAMENTO/FRACCIONAMENTO

No caso de que se decidira aprazar ou fraccionar o total da débeda ou unha parte dela, neste recadro figurará o correspondente importe.

O obrigado tributario deberá ter en conta que indicando un importe neste recadro está comunicando á administración que vai presentar unha solicitude de aprazamento/fraccionamento da débeda tributaria. En ningún caso se entenderá presentada a solicitude de aprazamento/fraccionamento pola simple presentación da autoliquidación.

#### DÉBEDA RECOÑECIDA

Neste recadro figurará o importe que non se ingrese telematicamente, nin se domicilie nin se marque como aprazado ou fraccionado.

O importe deste recadro recoñécese como unha débeda derivada da autoliquidación presentada que non se fai efectiva. Transcorrido o prazo voluntario de pagamento da débeda sen facer efectivo o seu importe, esixirase pola vía de constrinximento, nas condicións establecidas na normativa tributaria

#### SELO

Neste bloque figurará o Código Seguro de Verificación (CSV) asignado pola Oficina Virtual Tributaria (OVT) da Atriga. O CSV é un código alfanumérico que identifica de forma única o documento emitido pola OVT da Atriga. Este código permitiralle verificar a autenticidade e integridade do documento impreso en papel mediante o cotexo co documento electrónico orixinal no formulario do servizo de verificación da OVT da

Atriga.

A declaración será datada e asinada polo suxeito pasivo ou polo seu representante.

## ANEXO IV<sup>12</sup>

Especificacións técnicas do/s arquivo/s informático/s para confeccionar as declaracións D-041 e as autoliquidacións 041

### A) Características dos arquivos informáticos a remitir electronicamente:

Os arquivos informáticos a remitir electronicamente a través da Oficina Virtual Tributaria (OVT) haberán de cumprir as seguintes características:

- Nome do arquivo: D041\_NNNNNNNNN\_AAAA\_TT, onde os valores seguintes serán:

- NNNNNNNNN: o NIF da empresa (9 caracteres ou díxitos).

- AAAA: os 4 díxitos correspondentes ao exercicio fiscal ao que se refire a declaración.

- TT: os 2 díxitos correspondentes ao trimestre ao que se refire a declaración.

- Extensión do arquivo: TXT.

- O ficheiro contendo os datos para a confección dos modelos D-041 e 041 será de formato texto plano codificación ISO 8859-1.

- Todos os campos alfanuméricos e alfabéticos presentarase aliñados á esquerda e recheos de brancos pola dereita, en maiúsculas sen caracteres especiais, e sen vogais acentuadas. Todos os campos numéricos presentarase aliñados á dereita e recheos a ceros pola esquerda sen signos e sen empacotar. Todos os campos terán contido, de non ser que se especificase o contrario na descrición do campo. Se non o tivesen, os campos numéricos encheranse a ceros e tanto os alfanuméricos como os alfabéticos a brancos.

### B) Deseños lóxicos: descrición dos rexistros dos datos do arquivo:

---

<sup>12</sup> Anexo modificado por Resolución do 27 de abril de 2016, pola que se modifica o anexo IV da orde da Consellería de Facenda do 230 de outubro de 2015, pola que se establecen as normas de aplicación e presentación e o pagamento electrónico da taxa fiscal sobre o xogo de apostas deportivas e de competición e se modifican determinadas normas tributarias. (DOG nº 89, do 11 de maio de 2016)



Para cada declarante incluíranse catro tipos diferentes de rexistro, que se distinguen pola primeira posición, de acordo cos seguintes criterios:

- Tipo 1: rexistro único da declaración: datos de identificación da declaración. Deseño de tipo de rexistro 1 dos recollidos máis adiante nestes mesmos apartados.

- Tipo 2: rexistro dos datos para a declaración informativa e para a autoliquidación. Recolle a información correspondente ao período ao que se refire a declaración. Deseño de tipo de rexistro 2 dos recollidos máis adiante nestes mesmos apartados.

- Tipo 3: rexistro dos datos para a declaración informativa e para a autoliquidación. Recolle a información correspondente de maneira acumulada desde a data de devindicación do exercicio ata o fin do período ao que se refire a declaración. Deseño de tipo de rexistro 3 dos recollidos máis adiante nestes mesmos apartados.

- Tipo 4: rexistro dos datos para a declaración informativa e para a autoliquidación. Recolle a información correspondente á relación de premios. Deseño de tipo de rexistro 5 dos recollidos máis adiante nestes mesmos apartados

A orde de presentación será a do tipo de rexistro, existindo

- Para o tipo 1: un rexistro.
- Para o tipo 2: un rexistro por tipoloxía de aposta.
- Para o tipo 3: un rexistro por tipoloxía de aposta.
- Para o tipo 4: un rexistro por cada premio superior a 2.500 € declarado.

Tipo de rexistro 1: rexistro da declaración: datos da declaración (posicións, natureza e descrición dos campos).

Para o tipo 1: un rexistro.

Posicións	Natureza	Descrición dos campos
1	Numérica	Tipo de rexistro: Constante número «1».
2-5	Alfanumérica	Modelo declaración:

Posicións	Natureza	Descrición dos campos
		Constante «D041».
6-14	Alfanumérica	NIF: NIF do suxeito pasivo.
15-18	Numérica	Exercicio: As catro cifras do exercicio fiscal ao que corresponde a declaración
19	Numérica	Período: O dígito do trimestre natural ao que corresponde a declaración.
20	Alfabética	Declaración complementaria:  Cubrirase a brancos. No caso excepcional de segunda ou posterior presentación de declaracións, deberá cumprimentarse obrigatoriamente este campo de maneira que se consignará unha «C» se a presentación desta declaración ten por obxecto incluír rexistros que:  – Debendo figurar na declaración do mesmo período presentada anteriormente, fosen completamente omitidos nela, salvo que tivese que presentarse unha solicitude de rectificación de autoliquidación,  ou/e  – Figurando na declaración á que se complementa, os datos que se comunican supoñen a presentación dunha autoliquidación complementaria de acordo coa Lei xeral tributaria.
21-33	Alfanumérica	Número identificativo da declaración anterior:  No caso de que se consignase unha «C» no campo «Declaración complementaria», consignarase o número identificativo correspondente á declaración á que

Posicións	Natureza	Descrición dos campos
		complementa (D041XXXXXXXXXX), que será sempre a primeira presentada para ese período. En calquera outro caso deberá cubrirse a brancos.

Para o tipo 2: un rexistro por cada tipoloxía de aposta.

Posicións	Natureza	Descrición dos campos
1	Numérica	Tipo de rexistro: Constante número «2».
2-3	Alfabética	Tipo de aposta: Consignarase, segundo a tipoloxía de aposta: MU: apostas mutuas. CR: apostas cruzadas. CO: apostas de contrapartida.
4-12	Numérica	Nº de apostas validadas: Consignarase o número de apostas validamente formalizadas no período ao que se refire a declaración.
13-26	Numérica	Cantidades apostadas: Consignarase o importe total correspondente ás cantidades apostadas polos xogadores, incluídas aquelas cantidades que fosen devoltas de acordo co Regulamento de apostas, polas apostas validamente formalizadas no período ao que se refire a declaración, expresado en céntimos de euro.
27-35	Numérica	Nº de apostas anuladas: Consignarase o número de apostas validamente formalizadas que se anulasen no período ao que se refire a declaración, de acordo co disposto no Regulamento de apostas. No caso de que non houberse apostas anuladas, cubrirase con ceros.
36-49	Numérica	Devolucións:

Posicións	Natureza	Descrición dos campos
		Consignarase o importe total correspondente ás cantidades apostadas polos xogadores e que fosen devoltas no período ao que se refire a declaración, de acordo co Regulamento de apostas, expresado en céntimos de euro. No caso de que non houberse devolucións, cubrirase con ceros.
50-58	Numérica	Nº de premios pagados: Consignarase o número de premios pagados no período ao que se refire a declaración.
59-72	Numérica	Premios pagados: Consignarase o importe total correspondente ás cantidades obtidas en premios polos xogadores, que efectivamente se abonaron pola empresa no período ao que se refire a declaración, expresado en céntimos de euro.

Para o tipo 3: un rexistro por cada tipoloxía de aposta.

Posicións	Natureza	Descrición dos campos
1	Numérica	Tipo de rexistro: Constante número «3».
2-3	Alfabética	Tipo de aposta: Consignarase, segundo a tipoloxía de aposta: MU: apostas mutuas. CR: apostas cruzadas. CO: apostas de contrapartida.
4-12	Numérica	Nº de apostas validadas: Consignarase o número de apostas validamente formalizadas desde a data de devindicación do exercicio ata o fin do período ao que se refire a declaración.

Posicións	Natureza	Descrición dos campos
13-26	Numérica	<p>Cantidades apostadas:</p> <p>Consignarase o importe total correspondente ás cantidades apostadas polos xogadores, incluídas aquelas cantidades que fosen devoltas de acordo co Regulamento de apostas, polas apostas validamente formalizadas desde a data de devindicación do exercicio ata o fin do período ao que se refire a declaración, expresado en céntimos de euro.</p>
27-35	Numérica	<p>Nº de apostas anuladas:</p> <p>Consignarase o número de apostas validamente formalizadas que se anulasen desde a data de devindicación do exercicio ata o fin do período ao que se refire a declaración, de acordo co disposto no Regulamento de apostas. No caso de que non houberse apostas anuladas, cubrirase con ceros.</p>
36-49	Numérica	<p>Devolucións:</p> <p>Consignarase o importe total correspondente ás cantidades apostadas polos xogadores e que fosen devoltas desde a data de devindicación do exercicio ata o fin do período ao que se refire a declaración, de acordo co Regulamento de apostas, expresado en céntimos de euro. No caso de que non houberse devolucións, cubrirase con ceros.</p>
50-58	Numérica	<p>Nº de premios pagados:</p> <p>Consignarase o número de premios pagados desde a data de devindicación do exercicio ata o fin do período ao que se refire a declaración.</p>
59-72	Numérica	<p>Premios pagados:</p> <p>Consignarase o importe total correspondente ás cantidades obtidas en premios polos xogadores, que efectivamente se abonaron pola empresa desde a data de devindicación do exercicio ata o fin do período ao que se refire a declaración, expresado en céntimos de euro.</p>

Para o tipo 4: un rexistro por cada premio superior a 2.500 € declarado.

Posicións	Natureza	Descrición dos campos
1	Numérica	Tipo de rexistro: Constante número «4».
2	Alfanumérica	Tipo de documento: Consignarase: – N, cando se trate do NIF ou do NIE – P, cando se trate do pasaporte – O, cando se trate doutro número identificativo, e só en defecto de NIF/NIE ou pasaporte.
3-17	Alfanumérica	Nº documento: Consignarase o NIF; só na súa falta, consignarase o NIE, o número de pasaporte ou, se non hai máis remedio, o número de identidade que correspondese en cada caso da persoa titular do premio.
18-67	Alfanumérica	Apelidos e nome: Consignaranse os apelidos e o nome da persoa titular do premio.
68-97	Alfanumérica	Identificación de aposta: Consignarase o número identificativo da aposta validamente formalizada que se corresponde co premio.
98-99	Alfanumérica	Tipo de aposta: Consignarase, segundo a tipoloxía de aposta: MU: apostas mutuas. CR: apostas cruzadas. CO: apostas de contrapartida.
100-108	Numérica	Cantidade apostada:

Posicións	Natureza	Descrición dos campos
		Consignarase o importe total correspondente á cantidade apostada pola persoa titular do premio na aposta premiada, expresado en céntimos de euro.
109-116	Numérica	Data de validación da aposta: Consignarase a data na que se formalizou validamente a aposta, en formato ddmmaaaa, onde: – dd: díxitos correspondentes ao día. – mm: díxitos correspondentes ao mes. – aaaa: díxitos correspondentes ao ano.
117-128	Numérica	Premio pagado: Consignarase o importe total do premio efectivamente abonado á persoa titular del, correspondente á aposta identificada, expresado en céntimos de euro.
129-136	Numérica	Data pagamento premio: Consignarase a data na que se fixo efectivo o pagamento do premio correspondente, en formato ddmmaaaa, onde: – dd: díxitos correspondentes ao día. – mm: díxitos correspondentes ao mes. – aaaa: díxitos correspondentes ao ano.
137-166	Alfanumérica	Nº de recibo: Consignarase o número identificativo do recibo ou xustificante do pagamento entregado á persoa titular do premio.

## ANEXO V

### Normas técnicas para a xeración do NRC

A entidade financeira xerará o NRC (Número de Referencia Completo) segundo o apartado B.2) do Anexo VII da Orde EHA/2027/2007, do 28 de xuño de 2007 (BOE do 9 de xullo de 2007), correspondente á xeración de NRC para liquidacións practicadas pola administración, modelos 060, 061 e 069. O NRC xerarase a partir dun rexistro de 48 caracteres codificados en EBCDIC:

- MMMNNNNNNNNDC (14): Número de Xustificante, sendo
  - MMMNNNNNNNNND (13): Número de xustificante asignado pola Oficina Virtual Tributaria
  - C (1): Carácter de control calculado polo banco, utilizando o mesmo algoritmo especificado na citada orde. A Oficina Tributaria facilitará á Entidade Colaboradora o algoritmo para o cálculo deste carácter de control.
- XXXXXXXXXX (9): NIF do debedor
- NNNNNNNNNNNNN (13): importe de cargo
- AAAAMMDD (8): data de cargo
- XXXX (4): Código de Banco de España da entidade

O Número de Referencia Completo (NRC) resultante terá 22 posicións:

- MMMNNNNNNNNDC (14): Número de Xustificante (o mesmo que o especificado enriba)
- XXXXXXXXXX (8): Carácteres de control resultantes de aplicar unha función MAC 4 do algoritmo DES (segundo norma X9.9-1) aos datos anteriores (48 caracteres) utilizando a clave privada do banco. Esta función xerará 8 caracteres de control; é dicir, a "sinatura".



## ANEXO VI

### **Sistema informático de desenvolvemento do xogo de apostas deportivas e de competición**

O sistema informático de desenvolvemento do xogo deberá garantir a exactitude na determinación da base imponible e a transparencia no desenvolvemento do xogo.

O sistema informático deberá cumprir os requisitos e condicións estritas consonte á homologación, en especial:

- a) Estará composto por hardware tolerante a fallos cun sistema de alimentación ininterrompida, no cal vai instalado o propio sistema de xestión e control de xogo.
- b) Deberá contar cunha réplica para entrar en funcionamento en caso de que quede fóra de servizo por calquera causa.
- c) O acceso ao sistema, soportes e equipamento que incidan directa ou indirectamente no xogo de apostas deportivas e de competición será limitado e controlado, e soamente se permitirá a persoas autorizadas para tal fin.

O sistema rexistrará, ao instante de se produciren, tódalas operacións realizadas e, en concreto:

- a) Recollerá a data, hora, minuto e segundo de formalización de cada aposta.
- b) Recollerá a data, hora, minuto e segundo de cada momento no que se aceptara unha aposta e o seu resultado, a recadación obtida polas apostas validamente formalizadas e o importe dos premios outorgados, así como en xeral tódolos datos necesarios para o cálculo correcto da base imponible, segundo se dispón nesta orde.
- c) Almacenará a relación de xogadores que obtiveran premios de importe superior ao que se estableza nesta orde.
- d) A información a que fan referencia os apartados anteriores deberá gardarse durante o prazo de prescrición do tributo. O sistema deberá garantir e certificar de forma electrónica a data, hora, minuto e segundo de cada operación, así como a imposibilidade de manipulación dos datos.
- e) No caso de producirse avarías ou calquera outro tipo de problema que impidira o funcionamento do sistema informático de desenvolvemento do xogo de apostas deportivas e de competición aos efectos de control e verificación posterior, deberá rexistrarse a incidencia de maneira que se identifiquen claramente a tipoloxía, as causas, os compoñentes afectados xunto coa data e hora da causa, así como da súa resolución.

A información contida nos sistemas de arquivo do sistema informático deberá estar en todo momento á disposición da administración tributaria, para os efectos do exercicio das súas competencias.

Á dita información terá acceso o persoal da administración tributaria e de apoio á administración tributaria que sexa designado pola dirección da Axencia Tributaria, para o que o sistema deberá permitir unha conexión segura a través da internet. Para iso, as empresas autorizadas deberán articular os mecanismos necesarios para unha comunicación informática segura, confidencial e íntegra compatible cos sistemas das Administracións que permita realizar calquera consulta en tempo real sobre o sistema informático do xogo das apostas, consonte co establecido nesta orde.